

三冊

四

石墨編二

五

掛鉤餘話上

卷之六

掛鉤餘話下

木下筆記

蘇下等記卷之四

女孫石是編

碑碣之屬五

林下筆記卷之四

金雞石墨編目錄二

碑碣之屬五

1



金瓶梅
卷之四

林下筆記卷之四

月城李裕元景春輯

金薤石墨編

碑碣之屬

夏禹王岫嶽碑在衡山岫嶽峯今已無之從楊升菴摹○夏禹書依汝州帖及絳帖○周穆王壇山石刻其文曰吉日癸巳在直隸正定府贊皇縣壇山上今移置縣學之戟門按今觀宣王儼碣及孔子書季札墓碑皆不作古文斜斗則此四字已開石鼓之先聲矣漢唐以來未經人道宋皇祐四年秋趙州守將廣

平宋公訪得之○周岐陽石鼓在京師國子監大成
門左右共十鼓秦漢以來遺佚陳倉田野中未顯于
世至唐賢始盛稱之常應物以為文王鼓宣王刻詩
李嗣真張懷瓘韓退之直以為宣王鼓其後董道程
大昌等又定為成王時鼓然以車攻之詩合史籀之
篆其為宣王獵碣有斷斷不爽者鄭漁仲據丞段二
字以為秦鼓馬定國據大統之獵以為後周物在王
厚之已力言其非歐陽脩既謂史籀書又以為三可
疑趙古則以為三不足疑楊用脩謂所載石鼓全文
得唐人拓本於李文正者多至七百二字其字句位

置徃徃典現存石鼓齟齬則又不足信也薛氏鄭氏
施氏傳刻互異至潘氏音訓僅存三百八十六字惟
鄧縣范氏天一閣所藏北宋舊拓四百六十二字稱
善本焉方石鼓之散在陳倉也韓吏部為博士時嘗
請於祭酒款以數索駝輿致太學不從迨至鄭餘慶
始遷之鳳翔孔廟中經五代之亂又復散失宋白傳
師搜訪足之大觀中歸於京師道君金填其字宮殿
奉之完顏剔去其金泥沙棄之此石鼓之大劫也假
令當日從昌黎之請早歸太學著為考釋壽諸貞珉
其所謂毫髮盡備無差訛者當更足信今而傳後何

至東坡之時得一二遺八九如娟娟缺月隱雲霧哉
沿元及明雖列國學藩吾而外未有表章乾隆五十
五年考論石鼓御題篇章并刻昌黎詩於碑使共曉
然于周宣之制又復欽定石鼓首尾二詩截長補短
命大學士彭元瑞足成章於是舊石鼓與新石鼓
竝峙成均○殷比干墓題字在衛輝府汲縣世傳孔
子所書其體與周穆王獵碣同古書無疑○廬陵李
子墓碑在江南常州府江陰縣之申港孔子書又攷
淳化帖載魯司寇仲尼書十二字○秦詛楚文凡三
曰久湫曰巫咸曰亞駝其詞則一惟告於神者隨碑

而異○秦泰山石刻殘石此真秦刻止存十字斯臣
去疾直連四字為一石昧死臣請矣臣橫連六字為
一石在泰山頂東嶽廟之寶斯亭覃谿云北平許氏
榛莽中得二十九字嵌置碧霞元君廟東廡之壁至
乾隆五年庚申燬于火今又七十餘年知泰安縣事
常熟蔣君於廢池址剔得此殘石二片尚存十字仍
以嵌諸壁是真刻之僅存者○集補泰山石刻全文
明人北平許氏所摹廿九字又被近人翻刻失真惟
絳帖尚存其大半合之史記迺全其文○琅琊臺石
刻在青州府諸城縣今所存者二世從官名及詔書

都元敬金薤琳瑯所載宋荅公刻本十七字皆頌詩
中語今亦無存○秦之罘石刻殘字在登州府文登
縣此乃二世詔書補刻其後者唐時猶存數字今併
止之洵矣古刻之難見也○秦繹山碑古刻久亡從
宋鄭文寶摹本在西安府學○秦丞相李斯書載淳
化帖宋云不知何人書○漢五鳳石刻在曲阜聖廟
同文門西柵按魯靈光殿南有太子釣魚池明昌二
年修孔廟得池中石側刻曰五鳳二年魯卅四年六
月四日成西漢石刻難得故錄之○漢建平郿縣石
刻此亦知為西漢石刻○甘泉山漢刻殘字在揚州

甘泉山惠照寺阮芸臺得亂石中是西漢五鳳後四年又得一石刻三字摩崖相似○漢孝堂山畫像十石在肥城縣附內題字北魏時題記又有泰山高令明永康元年觀景明二年六月十二日廣陵王題孟世雄永興二年來觀○居攝墳壇上刻二石雍正十年移置聖廟○漢天鳳石刻其文封爵嘉慶丁丑秋士人孫生容王輔仲見于鄒縣卧虎山今入孟廟

二

東漢建武中蜀郡尊樵閣道石刻按隸釋作何君閣道碑為東漢隸書之首○漢永平開通褒斜道石刻

在邾西漢中○漢永元三歲閭石刻在宋桃南村太
守李公作屋護之○漢中嶽秦室神道石闕銘在今
河南府○漢中嶽少室神道石闕銘在登封縣以上
少室闕銘十二行今所存者止此王虛舟顧亭林所
擇文尚皆不能至如許之多運生所藏覃谿校核云
亦有少室東闕題名○漢開母廟石闕銘在登封縣
北崇福觀東○堂谿典嵩高諸雨銘在開母石闕銘
之下一層金石圖所謂季度銘卽此○漢殷煌太守
裴岑紀功碑此碑在篆隸之間蓋八分書也吾子行
之八分漢隸之未有挑法者今在巴里縣開帝廟○

漢北海相景君碑今在濟寧州學堂穀所謂可通其
義于吳天璽三段碑也○漢司隸校尉楊君石門頌
在襄城縣石門摩崖○漢魯相乙瑛請置孔廟百石
卒史碑在聖廟孔子十九世孫麟請置掌禮器乙瑛
奏之○漢魯相韓勅造孔廟禮器碑在聖廟○漢秦
山都尉孔宙碑在曲阜孔廟古碑以禮器為第一此
為第二○漢孔謙碑在曲阜縣孔廟碑額有穿穿上
有暈又有兩暈環其頂○漢魯相史晨祀孔子奏銘
在曲阜孔廟○漢史晨饗孔子廟後碑在闕里後刻
唐人題記四行孔子時無闕里之名首僅見漢書梅

福傳東漢後方盛稱之蓋緣魯恭王徙魯于孔子所
居之里造宮室有雙闕焉人因名孔子居曰闕里○
漢淳于長夏承碑舊碑出自洛州河堤土壤者已亡
今所傳者明嘉靖癸卯郡守唐曜重刻碑王暉秋簡
集云蔡邕書如夏金鑄鼎形模恠謫在廣平府○漢
李翕崑池五瑞圖石刻在甘肅階州之成縣白鹿黃
龍甘露嘉禾木連理五瑞也○漢武都太守李翕西
狹頌在甘肅階州之成縣○漢李翕析里橋郾閣頌
在漢中畧陽縣靈帝建寧五年立○漢成陽靈臺碑
在曹州府章帝時建○漢司隸校尉楊淮表紀在襄

城縣○漢司隸校尉忠惠父魯峻碑在濟寧州學忠
惠父者私謚也○漢西嶽華山碑在華陰縣西嶽廟
嘉靖卅四年地震碑毀小歐陽以為郭香察所書非
也嘉靖中一縣令脩岳廟石門視殿上碑題皆當時
題者恐獲責罰隱之年久遂碎為泐石○漢衛尉卿
衡方碑在汶上縣○漢玄儒先生婁壽碑在光化軍
今失此從桂未谷所刻雙鉤宋拓本覃論夏承婁壽
碑以天球河圖比重○漢白石神君碑在真定府元
氏縣光和六年立

漢武梁祠石闕題字在嘉祥縣紫雲山下刻天吳之
狀三身人像○漢武氏祠石闕在嘉祥縣建和元年
云○漢武梁石室畫像刻伏羲神農黃帝堯舜禹湯
諸像○漢穀城長蕩陰令張遷碑在東平州學此穀
城舊吏韋萌等為張遷刊石表頌作去思碑○漢小
黃門譙敏碑在冀州○漢安仙集題字在四川簡州
逍遙巖窟○漢永壽石門殘刻在褒城○漢殘碑一
側謂楊叔恭碑碑側字大小不一嘉慶二十一年馬
廣文邦玉得此石○漢聞喜長韓仁銘在河南開封
府金正太六年滎陽令李天翼再立○漢竹邑侯相

張壽殘碑在城武縣學宮○漢永初殘石○漢州輔
碑殘字曰之冊帷幕有安社稷之勲覃谿云汝帖蔡
邕書云○石勲膊題字汝帖題宗資石勲趙氏作州
輔墓石勲覃谿云天祿碑邪四字○漢竹葉碑藏在
曲阜顏氏樂園畫竹葉○漢魯相謁孔廟殘碑金石
圖誤為孔宏碑今從隸釋○漢朱君長三字石刻翁
方綱曰三字不著時代然真漢隸也以書勢自定時
代耳乾隆五十七年四月錢塘黃易得于兩城山下
審為漢刻移立濟寧州學○蜀侍中楊公石闕在四
川綿州梓潼縣○魏上尊號奏在許州樊城鎮漢獻

帝廟中相傳為鍾繇書○魏受禪碑在許州繁城鎮
碑額篆書陽文受禪表金石圖誤刻陰文魏陳思王
曹植詞梁鵠書宋嘉祐七年張稚圭按圖謹記按繁
昌西碑自是一家以為鵠書非也○魏太和景元石
門摩崖在褒城縣石門南崖○魏曹子達飛龍編在
恭安府岱廟瑞永亭壁間○黃和石刻○吳天璽紀
功碣即天發神讖文因石段為三故俗稱三段在江
寧府學非篆非隸與漢裴岑紀功碑同法○大風歌
碑今在彭城漢高祖歌

晉任城太守孫夫人碑在泰安府新泰縣新甫山下
○晉汲縣齊太公墓表太康十年造書法方整當為
晉碑之冠○晉劉府君墓版在偃師武虛谷明府家
○晉陸機泰山吟石刻在泰安府岱廟之環永寧緯
帖作平原內史陸機書○梁蕭侍中神道石柱題額
在江寧朝陽門外花林田間皆反書○北魏雲峰山
鄭道昭題字在掖縣雲峰山以下石刻向來未經人
道桂未谷撰掖縣教諭時親登山巔摩拓其文其第
五石文曰王子晉駕鳳樓太室之山其第六石文曰
安期子駕龍樓蓬萊之山又云此鄭公手書○雲峰

山鄭道昭飛仙詩石刻其詩曰巖堂隱星霄遙糖駕
雲飛鄭公乘烟至道士披霞歸○北魏大基山鄭道
昭詩刻○東魏天平僧洪寶造像銘在河南○北齊
天保張景暉造像碑○北齊造銅雀臺石幢門銘其
文曰大齊天保八年造銅雀臺石幢之門百代之後
見此銘者當復知之方綱曰北齊天保七年脩廣三
臺宮殿至九年竣故此刻云八年九年也後三行人
名猶存古刻先上列後下列之式亦攷證者所宜知
也其體楷兼帶隸法自是北齊體格○北齊隴東王
感孝頌在泰安府肥城縣孝堂山隸法光潤而有風

致尚不似唐人之肥爛也○北齊王子春組來山摩
唯在泰安府徂來山噪佛巖○北齊臨淮王像碑在
青州府滾水橋之文昌祠○北齊米山常子深摩唯
○北齊大象岡山摩唯在鄒縣○米山大佛頂摩唯
大字曰大空王佛字甚奇偉筆勢與武平六年常子
深題名相似○隋刻魏子達碑在東阿縣魚山嘉慶
二十年見魚山土中字兼篆隸楷三體雜糅不倫○
隋仁壽舍利塔下銘○嶧陽山摩唯此北朝時刻○
唐范洪恩造塔記在嶧陽縣天齊廟真書而唐碑故
錄之○唐費縣李桓子古井記天寶九載造此石出

于李桓子古井中後嵌置縣署之壁胡玉樵明府知
費事取以為硯○唐李陽冰城隍廟碑在浙江處州
府縉雲縣篆法瘦細而偉勁飛動若神在石墨鐫華
已極賞矣○唐元次山培基銘石刻在湖南永州府
李康象○唐龔邱縣令庾公德政頌李陽書篆在今
寧陽縣其碑陰百姓行頌文曰偉哉賢傑忠而復烈
化理一城五府補絕蝗虫避境好妨自滅淫而不淫
如霜如雪○唐韓詩外傳殘石在岷陽縣牛氏空山
堂○後周廣順摩崖四字在晉陽城紫雲山石壁二
廣併文甚奇亦猶篆文○宋廬縣悅性亭銘淳化二

年立○宋蘇唐卿書歐陽公醉翁記在費縣署儀門
口蘇唐卿歐公故人也宋嘉祐七年立後二百年伊
洛楊惠扛豎於縣儀之下○宋范致君登泰山碑○
宋程氏廟表在章邱縣女郎山王魯公嗜李陽冰書
為師有山谷道人題語○宋朱濟道靈巖石刻詩在
昌縣靈巖○金刻顧愷之畫關里行教圖宋真宗皇
帝御製贊曰立言不朽垂教無疆昭然令德偉哉素
王人倫之表帝道之綱厥功實茂其用允藏升中既
畢盛典載揚洪名有赫懿範彌昌○金虎懷英書杏
壇二字碑承安戊午立○金刻吳道子畫杏壇小影

吳道子筆積曰德配天地道冠古今刪述六經垂憲
萬世在曲阜孔廟之聖蹟堂按顧畫少類吳畫多髣
論者以顧畫為真○金堯懷英書王荊公詩石刻在
濟寧府○元楊桓書太白酒樓記在濟寧府太白樓
沈光撰之

五

按漢碑凡三百有九漢而下不載獨魏大饗碑相傳
為梁鵠書上尊稱秦為鍾繇書受禪表劉禹錫以為
王朗文梁鵠書鍾繇鑄字脩孔子廟碑圖經云梁鵠
書三體石經遺字為蔡邕大饗記殘碑亦疑為鍾繇

書凡九晉碑字畫稍佳者望一二而止○又按孟郁
脩堯廟碑永康元年立帝堯碑卽祈雨碑熹平四年
立成陽靈臺碑卽堯母祠碑建寧五年立并在濮州
靈臺碑陰高朕脩周公禮殿記初平五年立在蜀郡
鍾會書孔廟置庠史碑鍾繇書韓勅造孔廟禮器碑
韓勅碑陰韓勅脩孔廟後碑在兗州威帝中年并立
史晨祠孔廟奏銘建寧二年立史晨孔廟後碑在兗
州西嶽華山廟碑延熹八年立西嶽華山亭碑光和
二年立樊毅復華下民租碑光和二年立唐興元元
年華陰縣令盧儼求得樊毅脩華嶽碑光和二年立

并在華州東海廟碑熹平元年立在海州桐柏淮源
廟碑延熹六年立在鄧州穀院君神祠碑光和四年
立在華州穀院碑陰隸釋云漢隸之神品老子銘延
熹八年成帝夢見老子而祀之陳相邊韶演而為銘
蔡邕書在衛真縣太清宮孫叔敖碑延熹三年立在
光州孫叔敖碑陰仙人唐公房碑在興元府唐公房
碑陰張公神碑和平元年立在衛州黎陽三公山碑
光和四年立無極山碑光和四年立白石神君碑光
和六年立并在真定府何君閣道碑建武中元二年
立在雍州隸釋云東漢隸書斯為之首趙君羊甯道

碑永初六年立在眉州司隸校尉楊君石門頌建和
二年立在興元府廣漢長王君石路碑建和二年立
在漢州李翕西俠頌建寧四年立在成都李翕龜池
五瑞碑李翕折里橋郵閣頌建寧五年立周憬功勳
銘臺平三年立在韶州樂昌廟內碑文磨滅名不可
辨圖經但云周使君後漢書無傳及得碑陰方知名
憬題云神漢獨此碑甬周憬碑陰臺長蔡湛頌光
四年立在真定府深陽長潘乾校官碑光和四年立
在建康紹興十三年深永尉喻仲遠得之固城湖中
梁相孔耽神祠碑光和五年立在亳州永城縣成陽

令唐扶頌光初六年立在濮州巴陵太守張納功德
叙中平五年立在重慶府張納碑陰跋棗令劉熊碑
蔡邕書唐王建題此碑詩云蒼苔滿字土埋龜風雨
消磨絕妙辭不白圖經中舊見無人知是蔡邕碑劉
熊碑陰謁者景君墓表元初元年立在濟州景君碑
陰刺史景君闕銘元和四年立在濟州國三老表良
碑在東京扶溝永建六年二月卒北海相景君碑漢
安二年立長史武班碑建和元年立從事武梁碑元
嘉元年立并在濟州任城縣平都相蔣君碑永興元
年立在道州孔謙碣永興二年立在兗州郎中鄭固

碑延熹元年立在濟州任城縣學議郎元賓碑延熹
二年立在亳州中常侍樊安碑延熹間立在唐州冀
州刺史王純碑延熹四年立在鄆州山陽太守祝睦
碑延熹七年立在應天府廣城縣泰山都尉孔宙碑
延熹七年立在兗州孔子十九世孫卽孔北海父也
至此碑既有篆額又於首行復題篆額之字他未之
見也孔宙碑陰祝睦後碑延熹九年立在應天府廣
城縣荊州刺史度尚碑永康元年立在徐州湖陵車
騎將軍馮緄碑永康元年立在渠州沛相楊統碑建
寧元年立在陝府楊統碑陰竹邑侯相張君碑建寧

元年立在單州衛尉衡方碑達寧元年立在鄆州碑
云伊尹稱阿衡因而代焉衡立碑亦云冀州從事張
表碑達寧元年立在澶州金鄉長侯成碑達寧二年
立在單州單父縣墓側孝廉柳敏碑達寧二年立在
忠州淳于長夏承碑達寧三年立在洛州隸釋云隸
體奇怪卽中馬江碑達寧三年立在濟州真令劉脩
碑達寧四年立在南京博陵太守孔彪碑達寧四年
立在兗州孔彪碑陰北軍中侯郭仲奇碑達寧五年
立在孟州濟源縣隸釋云漢隸之神品故民吳仲山
碑熹平元年立在東京司隸校尉魯峻碑熹平二年

立在濟州州學廣漢屬國侯李翊碑熹平二年立在
渠州玄儒婁先生碑熹平二年立在光化軍李陽冰
篆文玄儒婁先生碑陰繁陽令楊君碑熹平三年立
在陝府楊震之孫楊君碑陰堂邑令費鳳碑熹平六
年立在湖州文體典張表碑相類費鳳別碑太尉陳
球碑光和二年立在淮陽軍陳球碑陰陳球後碑童
子逢盛碑光和四年立在濰州漢人書碑其式不一
此碑字行或疎或密若楊太尉碑則畫方井井景北
海碑則以重文附于旁孔梁相碑則首行尚左華嶽
碑則文出其列間或隔行或空字近世藏碑者歛便

於展玩往往皆剪裁聯屬不復見古人之制矣逢盛
碑陰安平相孫根碑光和四年立在密州隸釋云此
碑體豐而勢逸不類他漢碑唐韓蔡輩蓋得此孫根
碑陰字畫頗類晉隸涼州刺史魏元丕碑光和四年
立在淮州司隸從事鄭寃碑中平元年立在河陽幽
州刺史朱龜碑中平二年立在亳州外黃令高彪碑
中平二年立太尉劉寬碑中平二年立蔡邕書劉寬
後碑小黃門譙敏碑中平四年立在冀州蔡中郎書
圍令趙君碑初平元年立在鄧州巴郡太守樊敏碑
建安十年立在雅州益州太守高順碑建安十四年

立在雅州綏民校尉熊君碑達安二十一年立在道
州梁相費汎碑高陽令楊著碑達寧元年立楊著碑
陰光祿勳劉曜碑在鄭州太尉楊震碑在陝府閿鄉
楊震碑陰荊州從事苑鎮碑或云在襄州執金吾丞
武寧碑在濟州督郵班碑在徐州浚儀令衡立碑在
鄆州戚伯著碑在宿州趙相雍勸闕碑在鉅州先生
郭輔碑在襄陽穀城縣字甚古蓋漢碑也相府小史
夏堪碑在亳州李翊夫人碑在渠州雒陽令王稚子
闕二在成都府交趾都尉沈君神道二在梁山軍蓋
州太守高顯闕二達安十四年立在濰州幽州刺史

馮煨神道永寧二年立在渠州馮煨殘碑馮煨碑陰
鉅鹿太守金君闕在雲安軍益州太守楊宗墓道在
嘉州清河相張君墓道不其令董恢闕在濟州廣漢
縣令王君神道建寧元年立在涪州江原長進德
碣延壽三年立在忠州上庸長司馬孟臺碑在漢州
高直闕在雅州處士金恭闕在雲安軍金君碑常氏
神道在均州張賓公妻穿中二柱文達和二年立在
看州石經尚書殘碑延平四年立在西京陸機洛陽
記云碑凡四十六多毀但有書易公羊論語而禮記
盡毀不存北齊徒于鄴都半沒于水隋復載入長安

亂作營繕者以為柱礎而隋志以謂後漢刻七經於
石皆邕所書與紀傳所載不同唐魏鄭公收取之十
不存一石經魯詩殘碑石經儀禮殘碑石經公羊殘
碑石經論語殘碑光緒六年立石于太學其上悉刻
蔡邕名淳師宋恩等題名一列經師經椽一列文學
師諸曹掾史在成都府府學禮殿高公石室東外壁
賜豫州刺史馮煥詔元和六年立在渠州費亭侯曹
購碑陰延熹三年立在亳州廣漢屬國辛通達李仲
曾造橋碑延熹七年立在雅州廣漢太守沈子琚縣
竹江堰碑熹平五年立在漢州鄭子真舍宅殘碑熹

平四年立在雲安軍金廣延母徐氏紀產碑光元
年立在雲安軍都鄉正衛彈碑中平二年立在汝州
舜子巷義井碑在隨州石皆敝剝字畫難見有光和
三年字知為漢碑義井碑武梁祠堂畫像在濟州刻
古帝王忠臣義士孝子賢婦各以小字識其旁或有
為之贊者凡百六十有二人四老神位神祚机麒麟
鳳凰碑在濟州永建元年刻米元章畫史謂此圖半
篆半隸題詩云非篆非科璚已凋劉讓閣道題字達
寧元年立在涪州詔賜功臣家五字在成都府墨寶
云郭氏犁地得之又有小石一刻永平五年四字從

井雜之壁間今不存中部碑在均州刻諸曹掾史功
曹主簿蓋夫者蓋縣吏如漢世碑陰謂之中部未曉
趙相劉衡碑中平四年立在濟州歷城縣富春丞張
君碑在亳州郎中郭君碑無可攷廣漢屬國都尉丁
勳碑元嘉元年立在巴州南陽太守秦頴碑中平三
年立在襄陽魯相謁孔廟殘碑在兖州平原東郡阿
生隸衡等題名在兖州孔里王蹕亭益州太守無名
碑咸帝中年立益州太守碑陰吉成侯州輔碑咸帝
中年立在汝州州輔碑陰司空俱碑嘉平二年立
在鄧州太丘長陳寔壇碑非蔡邕書而字亦奇偉在

亳州縣三老楊信碑和平元年立在忠州益州太守
城垣碑在渠州是祁雄隸碑在渠州仲秋下旬碑在
綿州故吏應酬殘題名在成都府魏大饗碑魏文帝
以延康元年辛丑大饗父老立壇於故宅壇前達石
題曰大饗之碑相傳為梁鵠書圖經云曹子達文鍾
繇書隸釋云碑有不明者唐大中年亳州李暨再刻
故可讀魏公卿上尊號秦延康元年立在潁昌府臨
潁縣集古云唐順多傳為梁鵠書今人為鍾繇書未
知孰是魏受禪表黃初元年立在潁昌府臨潁縣魏
文帝廟內集古云世傳為梁鵠書而顏真卿以為鍾

繇書劉禹錫嘉話云王郎文梁鵠書鍾鐫字謂之三
絕魏脩孔子廟碑陳思王曹植詞梁鵠書黃初元年
立在兗州張稚圭按圖魏橫海將軍呂君碑黃初二
年立在鄆州范式碑在濟州藻獨行傳范式字巨卿
或云蔡邕書法書要錄唐李嗣真作書品云蔡公諸
體惟范巨卿碑風華艷麗古今冠絕釋詁之以為
藻鑒之謬金石云以碑考之乃魏青龍三年立非邕
書也張平子碑永和四年立在鄆州郎中王政碑元
嘉三年立在濟州平輿令薛君碑延熹六年立司徒
掾楊休碑達安二十七年立防東尉司馬季德碑碑

上殘缺中山相薛君成平侯劉君新碑惟存上一段
司空殘碑政和乙未西洛天津橋下得之處士嚴蓀
殘碑刊缺新莽侯鉅地皇二年作紹興中出於金州
耿氏鎡近光四年作五君栢梓文典四老神祚机刻
石同帙征南將軍劉君神道司農劉夫人碑漢太尉
許或之室也碑之立在光和之前掾杜峻等題字在
高公石室樊吏張玄殘碑永元十六字在永康軍維
陽稚子六字在成都府漢平楊府君叔神道在綿州
達平郾縣碑達平五年立巴官鐵盆銘永平七年作
太尉劉寬神道二丹陽太守郭旻碑光和二年立祝

長巖新碑和平元年立龍門禹廟宗季方題名米巫
祭酒張普題字熹平二年立嘉州武君闕銘達和
元年立在濟州韓勅孔林別碑兩側題名功曹史錢
畫像雍丘令畫像與此二碑朱希真云齊魯間漢公
御墓中物會稽東部都尉路君闕永平八年立潁陽
令宋君殘碑魏三體石經左傳遺字水經云魏正始
中刻碑今在洛陽皇祐癸巳蘇望所刻魏云漢靈帝
以經籍文字穿鑿疑誤後淳詔諸儒讎定五經命蔡
邕書古文篆隸三體鐫石立於太學今不存近於故
相王文康象得左氏傳損本取其完者刻之凡八百

一十九題曰石經遺字范史紀曰五經蔡邕張馴傳
則曰六經魏下豫州刺史老子廟詔黃初三年立在
亳州魏甄皇后識壁板臣魏大饗記殘碑黃初三年
立在長安瑤臺寺謂之鍾繇殘碑姑傳疑以余知者
晉右將軍鄭弘碑太康四年立司空孔扶碑建寧元
年立闕里武都太守耿勲碑熹平三年立在成州孝
子嚴舉碑延熹七年立在梁山軍嚴舉碑陰南安長
王君平鄉道碑永元八年立嘉州武都太守李翕天
井道碑建寧五年立在成州武都丞呂國已下題名
在成州天井碑側司隸校尉楊淮碑熹平二年立在

興元府膠東令王君廟門斷碑二在濟州涪陵太守
龐宏神道在縣韓勣孔廟後碑陰咸帝中年立劉
寬碑陰門生名劉寬故吏名中平二年立於雒陽道
王純碑陰魯峻斷碑陰司空殘碑陰孔子見老子畫
像孝子董蒲闕永寧二年立豫州刺史路君闕二永
平八年立王稚子二闕畫像在成都府涪相范皮闕
在鈞州鄧君闕畫像在鈞無名人墓闕畫像太守張
景題字光和六年立在高旻石室梁上博士題字在
高旻石室中洪農太守張君題字在高旻石室中高
旻石室六題名成都府學禮殿刻於梁楹石壁間永

平軌文永平八年作汝伯寧軌文達初三年作曹叔
文軌文達初七年作謝君墓軌文元和三年作永初
軌文永初元年作定陶鼎款識延光銅壺款識延光
四年作元嘉刀銘元嘉四年作騎氏二鏡銘李氏鏡
銘中平^款洗款識中平三年作脩官二鐵盆款識泰
始元年作董氏二洗款識居經儀禮殘碑成阜令任
伯嗣碑熹平七年立漢安長陳君閣道碑永建五年
立馮君閣道碑和平元年立廷尉仲定碑熹平元年
立文範先生陳仲弓殘碑中平三年立蔡邕書公乘
校官掾王幽題名永熹元年立交趾刺史石羊字在

郴州刻於墓道石羊膊上永和官鑿文永和七年作
眉人掘武陽故城得之黃龍甘露碑隸釋云崇寧中
為王時彥所磨以刻其說黃龍碑陰景北海碑陰唐
扶碑陰封丘令王元賓碑陰延熹四年立繁長張碑
等題名帝堯殘碑陰魯峻石壁殘畫像在濟州伏尉
公墓中畫像在資州隸釋云漢碑書太尉太守太字
皆無點字書有伏字與太同音注云海中地名从人
从大者則是倚伏之伏此碑所云伏尉即太尉公也
荊州刺史李剛石室殘畫像熹平元年作隸釋云自
來好古之士未見此碑丹陽太守鄭旻碑封丘令王

元賓碑延熹四年立隸釋云元賓字畫分明非是測
度冀州從事郭君碑光和三年立尉氏令鄭季宣碑
中平三年立鄭季宣碑陰陳度碑中平四年立禹廟
殘碑真道冢地碑延熹七年立在萬州司空掾陳寔
殘碑中平五年立蔡邕書太尉郭禧斷碑光和二年
立張休唯溪銘延熹二年立或作磨唯險路銘序彰
長田君斷碑熹平六年立在華州華陰縣堵陽長劉
子山斷碑建寧元年立孟郁先母碑陰先廟左側題
字宗俱碑陰汝南上蔡令神道在閬州侍中楊文父
神道殷比干墓四字世傳孔子書然隸始於秦非孔

子書必矣字畫勁古當是漢人書右侍無名人墓闕
光和三
年立卓女羅鳳墓闕某氏石虎刻字光初七
年作延年樽字永初七年造尉府靈壁博文陽朔四
年作晉南鄉太守司馬整碑陰泰始四年立青羊鏡
銘楊君殘碑開道褒斜道碑永平九年立在興元府
江州夷邑長盧豐碑建安七年立酒泉題名

裕元曰上古無書契結繩而治庖犧氏之王也受
河圖而畫八卦八卦畫意也是以畫先出於書而
書蓋取諸夬黃帝時有蒼家三人長曰梵其書右
行為佛祖之書次曰佉盧其書左行為仙家之書

少曰頡用下行法開後代右文之治厥功大矣乃
六書始而歷三代至西周遂彬彬焉保氏之先教
國子者是也宣王時太史籀變蝌蚪文作大篆有
石數十枚為書家之宗秦李斯增損大篆作小篆
嶧山碑之玉箸篆是也傳唐之李陽冰得其髓秦
政苛甚奏事尤繁用篆不便散小篆作八分時下
邛人程邈為縣吏幽雲陽獄中覃思十年自小篆
破八分而作隸書三千字佐隸人書故曰隸書後
生真真生行行生草真如立行如行草如走未有
能立能行而能走者也是以郭忠恕曰行者隸之

悖也草者行之狂也自隸以下吾不欲觀蓋尚古
之意也張懷瓘曰上谷王次仲作八分又云自蔡
伯喈始又云王次仲作楷卽真也又云魏初鍾二
家爲書法務從簡易非草非真離方離圓此謂草
行漢季章帝時有章草之名杜伯度輩最精巧下
筆忽忽世卑而書亦變矣昔秦燒先典廢古文後
更用八體大小篆刻符傳及摹印書施於印璽蟲
書囑於幡信署書用於門題及書銘於戈戟而隸
書居其八東漢末甄豐刊定六體錄書奇字加焉
鳥篆史佚因赤雀之祥而作也鳥跡書蒼頡見鳥

跡而制也龍書太昊獲景龍而作也穗書神農見
上黨嘉禾而作也鳳尾書見鳳鳥而作也垂雲書
黃帝曰景雲而作也上方大篆秦璽書程邈之作
也麟書獲麟後出也太極書龜書曰形而成也周
媒氏配合男女而作墳書劉德昇觀星宿而作纓
絡篆魯秋胡妻玩蚕而作雕虫篆史游造剪刀之
篆衛瓘作柳葉之篆唐李選作碧落之篆曹喜作
垂露之篆仙人務光作倒薤之篆樊噲退舍而司
成子韋作轉宿篆漢殿芝生而陳遵作芝英篆正
人用璽籀而蔡邕作飛白古錢定名而常誕作金

錯漢家尺一之簡如鵠首故辨鵠頭書蕭子良古
今篆隸文有藁書蓬書填書真書鴈書虎爪書偃
波書鶴頭書十二時書懸針書蚊脚書亦皆因事
生變者也商周之鍾彝鼎尊卣壺爵觥觶觚觿
甗鬲盂匝盤盥匜釶戈兵簠簋戣斧槍鈿距末刀
珌削豐之鏡秦漢之權斤量爐洗鍙銅機尺節符
鑄斗鈎鈴鐸染栳車缸瓦當鏡背之鑄魏晉之槃
椎釜權之刻其體皆變用大小篆幻成奇古自作
一家而好古之士雖得一二字必棄之為鴻寶矣
夫隸肇於三十八體中自周秦至兩漢而成後漢

銘勒凡三百有九種其法各殊西漢以下并不載
只有五鳳甄魯恭王甄相為表裏學隸者非是不
得其蒼健古意其法多斬釘截鐵凶險可畏故真
古高難學今之所傳泐蝕殘字莫如孔廟諸碑此
雖後漢字習之則諸家法斯過半矣魏之梁鵠鍾
繇相傳其法然不及於鴻都之石經矣按八分書
始著於蔡琰文姬之說文姬曰臣父割隸字八分
取二分割李篆字二分取八分故名八分又水經
註云臨淄蒧古塚得齊胡公桐棺有古文三字胡
公在春秋之前則隸書之興於周代明矣皇明楊

慎引水經註曰晉世河缺得胡公石槨上有八分
書攷其時亦周也胡公想是一人而為棺為槨曰
隸曰分者或傳記之錯謬歟張之世杜光庭之論
春秋亥字亞字之形是隸書抑程書非初造龔章
耶宋元祐中有皇象所書吳大帝碑果得篆之八
分隸之二分純樸方正是分書之正派更無他傳
諸說紛紜恨無就質處然至伯喈而集大成矣凡
寫隸法如龜如鼈蚕頭鴈尾鴈不復飛蚕不二設
備重濁而得清高近古雅而遠俗漓亦要在轉折
剛勁不枯則無硬太老則失健必古中有奇拙中

有巧豎畫貴細橫畫長短外方內軟四楞堅闊棗
板也釘子也桃鉤也鐵鍊也真得神法而又如刻
印章之訣空處可以立馬密處毫不容身健處如
銅牆鐵壁軟處如龍如蛇則結構整密止筆亦不
倉皇入于三昧界耳世道墜降人見諛寡不探本
源徃入幻境其疲殘柔弱塗鴉畫猪固不忍觀矣
惜哉孰能喚惺暗地指南也夫楷草之法莫盛於
晉代當以王家諸人推之為宗而其源則出於衛
夫人筆陣圖得楷之正觀歐陽詢之八訣則盡之
矣然世南之善戈公權之用骨不可勝記而古有

一豆上寫心經者又於粒麻上寫國泰民安四字者其精巧固難追而易爽真蓋淳化帖不失正脉苟欲知其法先知用筆掌虛指實以無名倚筆則有力方其運也如快馬斫陣左規右矩可得古人之妙處也褚河南曰用筆當如印泥畫沙使其藏鋒常沉深當其用鋒常欲透過肯哉言乎每日只學一二字或一點一畫一撇一捺則一字之中諸法自具大字促令小小字放使大自然寬猛得所亘之如長舟截小渚直之如春筍抽寒谷則何患於不侔先覺也米南宮之追風逐電董太史之蒲

灑秀逸蘊黃之賞鑑古蹟摹畫前人皆各成一幅
體法比諸顏氏之純厚道健顛沛之間不差尺寸
則遠矣常見畫家法古人筆意者夫曰深淺濃淡
神精故在阿覩中不必也使不拘拘乎象形然則學
者亦可以得其意而龍跳虎卧豈曰學畫之難于
學畫也哉今之學不然講骨者失之於露講肉者
失之於俗中行失之軟媚好古失之縱放字學至
此大壞所貴根源篆隸入於鍾王則是有望於振
起者故蘭亭攷證曰叙字類隸此之謂也何不取
水於源取木於本也苟不邇其淵源察其本末而

入于室者未之有也明季陽臨初暢發厥旨一燈
不滅逮吾東書學蔚然金生之楷蓬萊之草繼起
晉代之衰而后有韓石峰得楷之正尹白下破東
之荒而李負嶠受秦漢衣鉢善於大小篆曰學書
者不從篆隸古碑入者未足與議也是深歎時人
之陋見也至於隸書尹五耘深得西京法是東方
之初出也五耘後無得其傳焉學楷者以篆隸謂
之岐沱何也東漢唐北海曰非隸無以敬碑知此
則書契傳而石刻不滅也


This image shows a blank, aged, cream-colored page, likely a ledger or account book page. The page features faint vertical lines, suggesting it was designed for recording data in columns. There is a small, dark, irregular stain or mark near the top right corner. The page is otherwise empty of any text or markings.

林下筆記卷之五

掛鈞餘話目錄

上編

下編



林下筆記卷之五

月城李裕元景春輯

掛鈎餘話

兵家以孫武為宗武經七書之雜出於傳記
非孫子無以集大成余昔年直西清承命懸
註孫武書博攷其出處為後人用者彙錄之
名以掛鈎餘話分上下編

上編

兵志曰明君賢將能以上智為間者必成大功

周齊太公陰權而興王業是也按太公用兵固

以仁義為主亦以權謀為用

孫子曰法令孰行

武以兵法見於吳王闔廬闔廬出宮中美人百
八十人以試勒兵孫子以王寵姬二人各為隊
長既三令五申之婦人大笑復鼓之又笑武下
令斬之○齊景公以田穰苴為將捍燕晉之師
苴曰臣素卑賤願得君之寵臣以監軍公使莊
賈往苴與賈約以日中賈乃夕至苴曰何後期
為賈謝曰不佞大夫親戚送之故留苴曰將受
命之日則忘其家臨軍約束則忘其親援枹鼓

之意則忘其身今敵國深侵百姓之命皆系於
君何為相送乎遂斬賈以徇○隋楊素多權畧
禦戎嚴整每將臨寇輒求人過失而斬之○宋
狄青禦儂智高青叔諸將毋妄與敵聞廣西鈴
轄陳曙乘青未至犯賊而潰素用等皆潰青曰
今之不齊兵所以敗晨會諸將堂上揖曙起并
用等三十人斬之

孫子曰君命有所不受

武之斬二隊長也王請勿斬武不聽○越范蠡
伐吳吳王請成蠡曰今天以吳賜越其可逆天

乎勾賤曰吾不忍其使者蠡曰王已屬政於執
事乃進兵○宋李繼隆違詔而敗契丹于徐河
孫子曰屈力殫貨諸侯乘其弊而起

越王勾賤棲於會稽問計於范蠡蠡曰持滿者

與天

與天法天也
道盈而不溢

宛傾者與人

人道尚謙
卑以自牧節

事者以地

時不至不可強生
事不究不可強成

勾賤乃行成於吳

吳王破齊益驕會諸侯於黃池吳國精兵從王

惟獨老弱留守蠡曰可矣乃發兵敗吳

孫子曰攻其所必救

魏伐趙請救於齊孫臏曰今梁趙相攻若疾走

大梁衝其方虛彼必釋趙而自救田忌從之魏
果去邯鄲後魏與趙攻韓韓告急於齊齊使田
忌將直走大梁魏將龐涓聞之去韓而歸○遼
東太守公孫文懿反魏司馬懿進師次遼水賊
堅營高壘懿曰欲以老吾兵也賊大眾在此則
巢穴虛矣我直指襄平必人懷內懼懼而求戰
破之必矣遂整陣而過賊果邊之乃縱兵遂擊
破之○蘓峻攻大業晉陶侃曰但當急攻石頭
峻必救之而大業自解峻果棄大業而救石頭
○朱滔王武俊圍趙州也唐李晟引兵北圍范

陽俊等即解趙圍

孫子曰勇怯勢也

孫臏曰三晉之兵素悍而輕齊善戰者因其勢而利導之遂滅竈示弱龐涓倍日并行逐之臏令善射伏馬陵大破魏軍

孫子曰令之以文齊之以武

田穰苴按律行師而撫循士卒是文能附衆也出戰而燕晉罷兵是武能威敵也

孫子曰不戰而屈人之兵

田穰苴士卒爭奮而燕晉解去○漢韓信破趙

而燕從風而靡○南縣五姓共逐守長據城而
反後漢吳漢曰此守長罪也使人謝城中五姓
大喜即相率歸降○後漢王霸破蘓茂歸營而
賊復聚挑戰霸不出饗士作樂茂雨射營中中
霸前酒尊安坐不動曰茂客兵遠來糧乏挑戰
以邀一功吾當不戰而屈人之兵後茂果敗○
後漢皇甫嵩討黃巾也梁州賊王國圍陳倉嵩
拒之董卓欲速赴陳倉嵩曰先為不可勝以待
敵之可勝不可勝在我可勝在彼遂不救陳倉
王國果自解去嵩進兵破之○宋曹彬申令戢

下而所至悅服○宋李顯忠宣布德意而中原
歸附者接踵○賊將馬秦耶律溫阻水邀戰宋
王德用謂賊曰吾與金人大小百戰雖名王貴
酋莫不糜碎爾何為者賊遂投兵降秦溫閉門
城守德至呼秦諭以逆順乃自縊城以降

孫子曰視卒如愛子故可與之俱死

魏吳起與士卒分勞苦卒有病疽起為吮之○
梁韋叡營幕未立而不肯就舍○齊斛律光軍
營未定而終不入幕○宋孟珙遣醫視療而士
皆感泣○宋种世衡撫養士卒得人死力

孫子曰輔周則國必強

吳起守西河而秦兵不敢東鄉○晉慕容恪在
中原桓溫以為所憂方大○唐李勣守并州太
宗以謂賢於長城

孫子曰以利動之以本待之

秦白起與趙括戰長平佯北致趙軍而張二哥
兵以劫之○魏張遼圍昌豨於東海謂夏侯淵
曰數日以來每行諸圍豨輒屬目視又其射矢
更稀是必欲降乃使謂豨曰魏王神武以德懷
四方先附者受大賞豨果降○唐李孝恭討輔

公祐大饗士杯酒變為血孝恭徐曰禍福無基
惟所召爾公祐禍惡貫盈今仗威靈以問罪杯
中血乃賊臣授首之祥盡飲罷衆心為安明日
使羸兵扣賊壘挑之選精騎以待賊果延至遂
薄戰破之○唐郭子儀討安慶緒於衛州選善
射伏壁內旣戰偽遁賊薄營伏發注射如雨賊
震駭散走

孫子曰諸侯乘其弊而起

長平之役秦復使王陵攻趙白起曰邯鄲實未
易攻也今秦卒死者過半遠絕河山而爭人國

都趙應其內諸侯攻其外破秦軍必矣○晉劉
裕伐姚泓欲沂河西上求假道魏崔浩曰今若
塞其西路裕必上崑北侵如此則姚無事而我
受敵矣蠕蠕內寇人食又乏發軍赴南則北寇
進擊若其救北則南州復危未若假之水道縱
裕西入然後興兵塞其東歸之路所謂下莊刺
虎兩得之勢也

孫子曰識衆寡之用者勝

秦始皇將攻楚王翦曰非六十萬不可

孫子曰謹養勿勞并氣積力

王翦伐楚楚兵數挑戰終不出日休士洗浴而
善飲食撫循之親與士卒同食久之翦使人問
軍中戲乎對曰方投石超距翦曰可用矣遂大
破楚軍

孫子曰衢地則合交

燕樂毅約楚趙韓魏之兵以伐齊破之濟西諸
侯兵罷歸毅獨入臨淄下七十餘城○蜀諸葛
亮謂孫權可與為援

孫子曰城有所不攻

樂毅下齊七十餘城而不取莒卽墨○赤眉拔

長安後漢諸將勸鄧禹徑攻禹曰吾衆雖多能
戰者少吾且休兵北道以觀其弊於是引軍北
至栒邑所到皆開門歸附○西陵督步闡據城
以叛遣使降晉吳陸抗往赴西陵據要害等嚴
圍以守諸將咸欲攻之抗曰此城處勢既固非
可卒克且北救必至至而無備表裡受難遂不
許○魏帝銳意南伐崔浩曰南人長於固守今
以大國之力攻其小城若不時剋挫損軍勢危
道也○尉遲迥等逼懷州周韋孝寬進次永橋
城諸將以其城當路要衝請先攻取孝寬曰城

小而固若攻而不拔損我軍威何能為也○唐
王忠嗣襲擊贊普耀武漢北經略突厥以勇敢
自負而又為將持重不生事於邊帝欲有事石
堡忠嗣諫曰石堡城得之不足制敵失之未害
於國也

孫子曰能使敵人自至者利之也

趙李牧為將帝祖輸入幕府為士卒贊云奴小
入牧佯北不勝以數千人委之單于聞之大率
衆來入牧多為奇陣張左右翼擊之大破殺十
餘萬騎○楊素禦突厥達頭可汗于靈州先是

諸將慮胡騎奔突以戎車步騎相參輦鹿角為
方陣騎在其內素曰此乃自固之道非取勝之
方也悉除之達頭大喜率騎而至素奮擊破之
孫子曰反間者因敵間而用之

趙趙奢救韓閼與去邯鄲三十里堅壁不行復
益增壘先示以怯秦間來入奢善食而遣之間
以報秦將秦將喜曰夫去國三十里而軍不行
乃增壘閼與非趙地也奢乃卷甲而趨之一日
一夜至閼與五十里而軍○李晟邏士得姚令
言崔宣謀者晟釋縛飯飲之遣還敕曰為我謝

今言等善為賊守勿不忠於泚乃引兵叩都門
賊不敢出○周宇文憲獲齊間而反令充使

孫子曰我得亦利彼得亦利為爭地

趙奢至閼與秦人悉甲而至許歷曰先據北山
者勝奢即鼓萬人趨之秦兵後至爭山不得上
奢縱兵大破之○唐李光弼拒史思明而韋陟
欲保潼關光弼曰兩軍相敵尺寸地必爭今委
五百里而守關賊得地勢益張不如移軍河陽
北阻澤潞勝則出敗則守使賊不得西此猿臂
勢也○宋潘美潛師襲固軍遂據有其地因積

粟屯兵而守之自是北邊以寧○宋淳化間密
詔廢夏州隨其城李繼隆以為朔方古鎮賊所
窺覷之地不可廢也○金人入關宋議割蜀之
和尚原以畀之楊存中曰和尚原隴右之藩要
也敵得之則可以睥睨漢川我得之則可以下
兵秦雍

孫子曰令素行者與衆相得

趙廉頗奔楚為將無功曰我思用趙人○漢李
廣軍極簡易而士卒樂為用○諸葛亮不留代
兵而軍士感悅○狄青止部伍明賞罰敵雖猝

犯無一士敵後先

孫子曰能愚士卒之耳目

齊田單令城中人食必祭其先祖於庭飛鳥悉翔舞下食燕人恠之單因宣言當有神人為我師有一卒曰臣可以為師乎單因師之每出約束必稱神師○王霸詭言冰合而得濟○李晟屯渭橋也熒惑守歲久乃退府中皆賀曰熒惑退國家之利速用兵者昌晟曰天子暴露人臣當力死勤難安知天道耶及破朱泚乃曰前士大夫勸晟出兵非敵拒也且人可用而不可使

之知也夫惟五緯盈縮不常最懼復守歲則我軍不戰自屈矣

孫子曰殺敵者怒也

田單宣言曰吾惟恐燕人剽齊降卒掘齊塚墓燕人如其言卽墨人從城上望見皆涕泣忿怒單夜縱火牛以破之○吳漢之討周建也累瘡而起令軍中曰賊衆雖多皆刼累瘡盜非有伏節死義者也今日封侯之秋諸君勉之於是軍士激怒人倍其氣○契丹持子越率精銳數萬騎往趙李繼隆軍過尹繼倫軍不顧而去繼倫

謂其麾下曰寇蔑視我爾彼南出而捷還則棄
勝驅我而北不捷亦且洩怒於我為今日計但
當卷甲密敔以蹙之戰勝足以自樹縱死猶不
失為忠義豈可泯然而死為胡地鬼乎衆皆憤
激從命追殺其將皮室寇兵大潰

孫子曰始如處女敵人開戶後如脫兔敵不及拒

田單令甲卒皆伏使老弱乘城約降以奇兵奔
擊之

孫子曰無約而請和者謀也

漢張良啗秦將而襲擊之○杜弘遣使偽降陶

侃知其詐先於對口起發石車俄而弘率輕兵
而至知侃有備乃退

孫子曰智者之慮必難於利害

張良借前箸以破酈生之說○突厥將闕啜忠
節與婆葛交怨遣人間道齎黃金分遺宗楚客
請發安西兵以擊婆葛唐郭元振上疏請不罷

四鎮兵

孫子曰善戰者無智名無勇功

張良未嘗有戰鬪功

孫子曰厲於廊廟之上以誅其事

張良運籌帷幄決勝千里之外○唐武后時西蕃舉兵相攻安西道閉唐休璟計議邊事籌畫所當施行者既而邊州建諸屯置盡如休璟策

孫子曰銳卒勿攻

張良謂楚人剽疾勿與爭鋒

孫子曰校之以計而索其情

韓信入蜀拜將料楚漢之長短○後唐郭崇韜論梁之虛實決策而襲汴

孫子曰遠而示之近

韓信陳兵臨晉而渡於夏陽

孫子曰入深則專十人不克

韓信去國遠鬪其鋒不可當

孫子曰將能而君不御者勝

漢周亞夫禦軍於細柳也嚴約而天子按轡徐行○漢陳湯出西域矯制斬郅支單于而漢帝不誅○漢馮奉世持節發諸國兵擊莎車而漢帝議封○後漢段紀明每奉詔書軍不內御

孫子曰守而必固者守其所不攻

周亞夫之攻吳楚也吳攻東南而亞夫使備西北○荊州賊保冷口陶侃曰賊必更向武昌使

部將吳寄邀擊賊果增兵來遂并擊破之

孫子曰形之敵必從之

李廣為上郡太守匈奴大入廣解鞍縱馬卧而虜疑有伏皆引去○後漢臧宮禦公孫述也越人皆附述官兵少力不能制會屬縣送委輸車數百乘宮夜使鉅斷城門限令車聲回轉出入越人聞車聲不絕謂漢兵大至由是遂安○吳圍樊城司馬懿以南方暑濕不宜持久簡精銳募先登申弢令示必攻之勢吳軍夜遁去○杜弢陷豫章晉周訪力不能敵乃密遣人如樵採

者而出於是結陣鳴鼓而來大呼曰左軍至至
夜令軍中多布火而食賊謂官軍益至未曉而
退○李孝恭破蕭銑二鎮縱戰艦放江中曰彼
瀕江鎮守見艫舳蔽江下必謂說已敗不即進
兵已而救兵到巴陵見艫疑不進銑內外阻絕
遂降○宋曹翰為幽州行營都部署開南河以
通漕運築大堤以捍之伐巨木於漢境造騎授
五色旗為斥候前遇寇賊則各舉其旗以為疑
兵又起烽燧於境上敵不敢近○宋岳飛駐軍
竹蘆渡與賊相持選精銳三百伏前山下令各

以薪芻交縛兩束夜半焚兩端而奔之金人疑
援兵至驚潰○宋王彥討李忠也賊衆皆河朔
人驍果善戰彥退屯秦郊令將士晝伏山谷間
焚秦郊積聚偽若遁者募敢死士易麾幟設奇
以待賊至逆擊敗之

孫子曰出其不意

漢衛青出右北平王奴右賢王以為漢兵不能
至此飲醉漢兵夜至圍右賢王驚遁○後漢耿
恭據疏勒城王奴絕澗水恭穿井揚水以示虜
而解圍○魏鄧艾攻蜀行無入之地七百里○

吳陸遜以呂蒙稱疾詣建業而請出羽之不意
○齊王琳守壽陽陳吳明徹乘夜攻之遂潰○
唐蘓定方擊賀魯破之賀魯西走會大雪吏請
少休定方曰虜恃雪方止舍謂我不能進若縱
使遠遁則莫能擒遂勒兵至金牙山擒賀魯○
唐李愬攻吳房吏曰往亡日法當避愬曰彼謂
吾不來此可擊也遂敗走賊○宋宗澤禦金人
逆精銳繞出敵後襲破之○岳飛擊兀朮六戰
皆捷擒其將王權俘簽軍首領四十餘察其可
用者結以恩遣還今夜斫營縱火飛乘亂縱擊

大敗之○李顯忠戰敗奔夏時酋豪青面夜叉者為夏國患夏主令顯忠圖之請二千騎晝夜疾馳奄至其帳擒之以歸後以本部軍歸國○王德曰王念經聞吾宿留必不為備乃倍道而趨一鼓擒之

孫子曰小敵之堅大敵之擒

俞侯趙信之降王奴也蘓建盡亡其軍獨以身亡去歸衛青青問其罪長史安曰兵法小敵之堅大敵之擒今建以數千當單于數萬士皆不敢有二心自歸而斬之不可青遂囚建詣行在

所

孫子曰不用鄉導者不能得地利

李廣引兵出東道軍亡導而失道○漢霍去病
從大將軍青以張騫嘗使大夏留匈奴中久導
軍知善水草處軍得以無饑渴○宋郭達得蠻
軍親信為鄉導盡平諸隘○宋孟珙俘武仙將
劉儀問仙虛實儀陳仙所據石穴九砦以馬蹬
沙窩岵山三砦蔽其前若先破離金砦以入三
帥成擒而石穴可圖也珙遣兵分據蒼道大呼
縱火掩殺幾盡

孫子曰兵無選鋒曰北

霍去病為驃騎將軍所將常選○晉馬隆征涼
州虜募力士三千選武庫罷仗及三年軍資而
行

孫子曰強而避之

衛青出塞以武剛車自環為營而縱左右翼繞
匈奴不利散走○皇甫嵩與張角弟梁戰於廣
宗梁衆精勇嵩不能克乃閉營休士以觀其變
○蜀關羽威震華夏曹操議徙許都○僕固懷
恩誘吐蕃回紇党項入寇邠州諸將請擊之郭

子儀曰客深入利速戰彼下素德我吾緩之當
自携貳因堅壁待之賊果遁

孫子曰重地吾將繼其食

霍去病約齋絕幕取食於敵而糧不絕

孫子曰能因敵變化而取勝者謂之神

征和間羌人叛上問計漢趙充國願至金城圖
上方畧

孫子曰以虞待不虞者勝

趙充國常以遠斥候為務行必為戰備○鄧艾
與姜維相持艾曰祁山熟麥千頃為之垂餌其

未必矣遂為之備維果向祁山而不能進○宋
與北虜和議方堅而吳璘治軍經武常如敵至
○宋魏勝守城浚湟恒如寇至○宋趙方今諸
將飲酒勿醉常使日日可戰

孫子曰取敵之利者貨也

趙充國以錢誘羌斬大豪有罪者一人賜錢四
十萬中豪十五萬下豪二萬大男三千女子及
老小千錢又以其所捕妻子財物盡與之○唐
馬燧討田悅約衆勝則以家貲賞及破彈私財
賜麾下德宗嘉之出度支錢五十萬償其財

孫子曰致人而不致於人

趙元國練戰士以須賊至○後漢光武時張步
使費邑軍歷下又分兵屯祝阿別於泰山鍾城
列營以待耿弇先拔祝阿故開園一角令其衆
得奔鍾城鍾城人聞祝阿已潰空壁亡去費邑
分遣弟敢守巨里弇多伐林木填塞阮瑨揚言
後三日當攻巨里陰緩降者令得亡歸以弇期
告邑邑果來救弇遂擊破之○馬燧令諸軍夜
半食趨魏州田悅踰橋乘風縱火譟而前燧乃
縱兵擊破之○後唐周德威救趙至柏鄉德威

曰吾之取勝利在騎兵乎川廣野騎兵之所長也今吾軍於河上非用長之地也不如退軍鄆邑誘敵出營擾而勞之可以策勝也遂出兵叩梁營挑戰梁將王景仁怒悉其軍以出轉鬪數十里至於鄆南遂大敗梁軍

孫子曰威加於敵則其交不得合

趙克國攻先零而罕开服○後漢張奐為屬國都尉南匈奴左薁鞬寇美稷奐因據龜茲使南匈奴不得交通東羌遂連戰破之

孫子曰窮寇勿迫

趙元國引兵至先零在所虜望見大軍棄車重
欲渡湟水道阨狹元國徐行驅之曰此窮寇勿
迫緩之則走不顧急之則還致死

孫子曰以飽待飢

趙元國謂金城湟中糴三百萬斛穀羌不敢動
○後漢時月氏遣其副王謝攻班超超度其糧
而將盡必從龜茲求救乃遣兵數百要於東界
遮擊殺之將其使首以示謝大驚請罪○鄧艾
著濟河論請開渠溉田積三十萬斛於淮上為
五年之食則無往而不克

孫子曰進不北名退不避罪

趙元國討先零帝使出兵擊罕开元國以死守
便宜○鄧艾陳平吳之策監軍衛瓘喻以不宜
輒行艾曰春秋之義大夫出疆有可以安社稷
利國家專之可也不可拘常以失事機終不自
嫌○王忠嗣不欲竭中國力以幸功名又不忍
以萬人命易一官○宋神宗初綏州降夏詔焚
綏州郭達匿而不下及夏人欲以塞門安遠二
砦來易達曰此止商於六百里之策也虜使驚
不能對帝問綏州匿詔大臣皆莫知達始自劾

向者違詔之罪帝手詔褒荅

孫子曰置之死地而後生

韓信伐趙使萬人先行出背水陣

孫子曰半渡而擊之利

韓信伐齊決濰水而斬龍且

孫子曰知彼知己百戰不殆

陳湯奏言胡兵五而當漢兵一者兵刃朴鈍弓
弩不利今頗得漢巧然猶三而當一○秦王猛
語苻堅曰晉雖僻處江左乃正朔相承願不以
晉為圖○曹彬謂國兵精銳剪太原孤壘如摧

枯拉朽○宋劉子羽言金人未可圖宜益兵屯田以俟機會

孫子曰知戰之地知戰之日

陳湯言兵客倍而主人半然後敵烏孫圍兵五日必解○遼東太守公孫文懿叛司馬懿曰往百日還百日攻百日以六十日為休息一年足矣○晉取鄆州後梁末帝召王彥章為招討使問破敵之期對曰三左右皆微笑彥章受命而出馳兩日至滑州破敵蓋三日矣

孫子曰兵聞拙速未覩巧之久

隗西羌叛議發兵皆以為不可多發馮奉世曰
虜見兵少必不畏懼戰則挫兵病師守則百姓
不救少發師而曠日與一舉而疾決利害相萬
也

孫子曰不知三軍之權而同三軍之任則軍士惑
隗西之役發兵六萬人拜任千秋為奮武將軍
以助馮奉世奉世上言願得其衆不須大將因
陳轉輸之費

孫子曰難於利而務可伸

鄧禹西討至安邑更始大將樊參欲攻禹禹逆

擊破之斬參首王匡成丹等合軍復擊禹禹軍
不利諸將見兵勢已摧皆勸禹夜去禹不聽明
日發去匡等以六甲窮日不出禹因得更理兵
勒衆

孫子曰修道而保法

鄧禹師行有紀而降者日衆○後漢祭遵為人
廉約小心克已奉公制御士心不越法度所在
吏人不知有軍

孫子曰三軍可奪氣

後漢寇恂擊蘓茂也馮異遣救及諸縣兵涌至

恂令士卒乘城大呼曰劉公兵到蘓茂軍聞之
陣動恂因奔擊大破之○張遼與孫權戰於合
肥遼先登陷陣權人馬皆披靡吳人奪氣○隋
史萬歲從竇榮定擊突厥突厥遣一騎挑戰萬
歲馳斬其首而還突厥大驚不敢復戰後馬邑
之戰突厥達頭可汗聞其名懼而引去○唐薛
仁貴從蘓定方討賀魯驍騎數十人來挑戰仁
貴發三矢輒殺三人於是虜氣俱皆降○安太
清攻北城李光弼召諸將問曰賊陣何所最堅
曰西北隅光弼麾旗三諸軍爭奮太清挺身走

○王德討李成以百騎覘賊至蔡驛口橋賊疑
為誘騎擁衆欲西德麾騎大呼曰王師大至矣
賊駭遁

孫子曰軍無糧食則亡

寇恂轉輸不絕以繼軍食

孫子曰上兵伐謀

隗囂將高峻久不下帝令寇恂奉璽書峻遣軍
師皇甫文出謁辭禮不屈恂斬之遣其副告峻
曰軍師無禮已戮之矣峻即日開城降諸將問
其故恂曰皇甫文峻之腹心今來辭意不屈必

無降全之則文得其計殺之則峻亡其膽是以
降耳○陸抗救江陵作大堰遏水晉羊祜欲因
其遏水浮船運糧抗使張咸壅破其堰祜乃改
船以車運大費功力○唐李抱真請用郭子儀
而鮮回紇之兵○趙方料金人殺不得志于棗
陽必將同時並攻當先發以制之○孟珙知元
將南侵而潛兵燒船材火其積聚

孫子曰親而離之

後漢馮異遺李軼書曰明鑑所以照形往事所
以知今昔微子去商而入周項伯叛楚而歸漢

彼皆畏天知命覩存亡之符今蕭王經營河北
災俊雲集轉禍為福在此時矣朱鮪知其通書
使人刺殺軼由是城中爭離多有降者○後漢
馬援將突騎三千往來遊說隗囂將為陳禍福
以離囂之黨○吳周瑜威聲遠著而曹操劉備
咸疑譖之○陸遜假作答魏江夏太守逌武書
置界上武兵得書以見武武惶懼由是使士不
復親附遂以免罷○東魏段琛據宜陽遣楊州
刺史牛道常扇誘遼人韋孝寬訪獲道常手迹
令善書者為作道常與孝寬書論歸款意又為

落燼燒迹若火下書者還令謀人送於琛營琛
得書果疑道常齋斛律明月為患孝寬作謠歌
曰百升飛上天明月照長安百升斛也又言高
山不摧自崩榑木不扶自舉令謀人多傳之明
月卒以此見誅○突厥攝圖與其弟處羅侯及
玷厥內懷猜忌隋長孫晟表請遣使詣玷厥賜
以狼頭纛謬為欽恭玷厥使來引居攝圖使上
又齎厚幣密布心腹於處羅侯所誘令內附果
相猜貳因乘釁討之○郭元振奏武后曰吐蕃
乞和而其大將論欽陵欲裂四鎮專制其國故

未歸款陛下誠能歲發和親使而欽陵常不從
則其下必怨后然其計後數年吐蕃君臣相猜
攜貳卒誅欽陵○朱滔王武俊叛李抱真以數
騎馳入見武俊說之武俊亦感泣旦日合戰大
破滔○宋慶曆間种世衡離間野利兄弟而元
昊請降

孫子曰亂而取之

馮異與赤眉約期會戰使壯士變服伏於道側
旦日縱乘大戰日昃伏兵猝起衣服相亂赤眉
不復識別衆遂驚潰○晉謝玄因苻堅陣亂而

決戰破之○李靖伐蕭銑也孝恭敗還賊委舟
敬掠靖視其亂縱兵擊破之○孟珙離金峇之
戰使盧秀執黑旗帥衆入峇金人不疑為宋軍
乃分據蒼道大呼縱火掩殺

孫子曰先處戰地而待敵者逸

馮異討隗囂先據柁邑以待囂將行巡○後唐
莊宗與劉鄩相持周德威自幽州趨臨清臨清
有積粟且晉軍餉道也德威先馳據之困鄩軍
而敗之○吳璘預治黃河戰地而士無不一當
十○流賊秦仲乘勢西向而仲即王彥舊部曲

也以申牘請於彥曰仲於公無敢犯願假道入
蜀就食身彥即勒兵趨長沙阻水據山設伏以
待矣賊至敗走○魏勝先據砂堰而金兵不得
過

孫子曰微乎微乎至於無形

馮異相邑之戰先據閑城偃旗鼓而行巡不知
○蘄定方從李靖襲頡利東霧行殺數十百人
孫子曰近而示之遠

後漢岑彭擊秦豐於黎夜勒兵馬申令西擊山
都乃縱所獲虜令得逃歸以告豐豐即悉其軍

西邀彭乃潛兵渡沔擊破之

孫子曰神乎神乎至於無聲

岑彭伐蜀晨夜倍道兼行二千餘里徑拔武陽
去成都二十里初公孫述聞漢兵在平曲遣大
兵逆之及彭繞出延岑軍後述大驚以杖擊地
曰是何神也○魏中山王元英攻北徐州韋叡
自合肥經陰陵大澤飛橋以濟師旬日而至邵
陽夜掘長塹立鹿角截洲為城比曉而立營元
英大驚神之○北魏帝西巡至東雍觀叛賊薛
永宗壘問崔浩曰今日可擊否浩曰永宗未知

陛下自來人心安固宜急擊之若待明日恐見
官軍盛大必夜遁走

孫子曰無慮而易敵者必擒於人

後漢賈復與五校戰於真定傷創甚光武大驚
曰我所以不令賈復別將者為其輕敵也○樓
炤議以川口軍移陝西吳璘曰金人反覆難信
今我移軍陝右敵若直擣蜀口我不戰自屈矣
當且依山為屯控其要害炤從之得保蜀

孫子曰擇人而任之

尹尊據鄆最強賈復請擊之帝笑曰執金吾擊

鄧吾復何憂○郝超曰吾嘗與謝玄共在桓公
府見其使才雖履屐間亦得其任○李勣臨事
選將必嘗相其奇麗福艾者遣之或問其故荅
曰薄命之人不足與成功名○李晟雖所養小
善必記姓名

孫子曰善攻者敵不知其所守

張步使其弟藍守西安諸郡太守合守臨淄耿
弇救諸校後五日攻西安藍聞之晨夜徹守弇
乃趁臨淄拔之藍聞之亡去○韓忠據宛後漢
朱雋兵少不足乃張圍結罌起土山以臨城攻

其西南賊悉衆赴之雋自將精卒掩其東北乘城而入忠惶懼乞降○關羽逐曹仁設屯圍頭又別屯四冢魏徐晃揚聲當攻圍頭屯而密攻四冢

孫子曰兵以詐立

歟恭攻函奴以毒藥傳矢傳語函奴曰漢家箭神其中瘡者必有異虜之中矢者視創皆沸遂大驚解去○馬隆為西平太守南虜成奚每為邊患據險距守隆令軍士皆負農器若將田者虜以隆無征討意御衆稍怠隆因其無備進兵

擊破之○宋王鎮惡討劉毅揚聲上沅州去江陵城二十里舍船步上舸留三人對舸岸上立旗安鼓百姓皆言劉藩實上晏然不疑將至城毅將朱顯之馳前問藩所在軍人荅曰在後及至軍後又不見藩便躍馬告毅令閉城門鎮惡亦馳進入城放火燒之○呂翰據嘉州叛曹翰奪其城課賊約三鼓復來攻曹翰戒知更使緩向晨猶二鼓賊衆不集而潰因而破之○岳飛討劇賊陶俊也遣卒偽為商入賊境賊掠以充部伍飛遣百人伏山下自領數十騎逼賊壘賊

出戰飛佯北賊來追之伏兵起先所遣卒擒後
以歸

孫子曰不得已則鬪

王霸與馬武討周建於垂惠蘓茂將兵救建武
恃霸之援戰不甚力為茂建所敗霸閉營固守
示不相援賊志衆攻武合戰良久霸乃出精銳
襲其後茂衆遂散

孫子曰兵之情圍則禦不得已則鬪

唐張仁愿等三受降城也不置墜門或曰邊城
無守備可乎仁愿曰兵貴攻取賤退守寇至當

併力出拒有回望城者斬何事守備

孫子曰晝戰多旌旗

藏宮討公孫述也述將延岑盛兵於沅水宮兵食少皆欲散畔會帝遣謁者將兵詣岑彭有馬七百匹宮矯制取以自益晨夜進兵多張旗幟登山鼓噪左步右騎挾船而行呼聲動山谷岑不意漢軍卒至遂驚潰

孫子曰夜戰多火鼓晝戰多旌旗

陸遜討丹陽賊費棧也棧支黨多而遜兵少遜乃益施牙幢分布鼓角夜潛山谷間鼓噪而前

應時破敵

孫子曰圍師必闕

蜀地新定妖巫維汜之徒單臣傳鎮等復妖言
相聚入原武城藏宮數攻不下以為妖巫相劫
勢無久立乃撤圍緩賊賊衆分散遂斬臣鎮等
○韓忠乞降朱雋曰今海內一統惟黃巾造逆
納降無以勸善因悉攻不克雋登土山望之曰
今外圍周固內營逼急乞降不受欲出不得所
以死戰也萬人一心猶不可當況十萬乎不如
撤圍并兵入城忠見圍解勢必自出自出則意

敬易破之道也既而解圍忠果出戰雋因擊大破之

孫子曰計險阨遠近上將之道

光武討隗囂馬援於帝前衆米為山谷指畫形勢開示衆軍所從道徑帝曰虜在吾目中矣○曹仁圍甘寧於夷陵呂蒙往說周瑜柴斷險道賊走可得其馬敵果夜遁行遇柴道騎皆舍馬步走獲馬三百匹○唐休璟自碣石踰四鎮其間幾萬里山川表阻障塞之要皆能言之故行師料敵未嘗敗

孫子曰絕山依谷

馬援討武都羌兵在山上援軍據便地奪其
水草不與戰羌遂困窮○魏張郃以馬謖不下
據城絕其汲道敗於街亭

孫子曰攻其所不戒

交趾女子徵側叛蠻夷皆應之馬援為伏波將
軍遂緣海而進隨山刊道千餘里軍至浪泊山
與戰破之○宋李寶之舟師猝至唐島鼓聲震
疊金帥大驚而遁○完顏訛可攻棗陽孟珙取
他道劫金人破砦十有八

孫子曰由不虞之道攻其所不戒

曹操討韓遂馬超至潼關恐不得渡徐晃曰公
威兵於此而賊不復守蒲阪知其無謀也以步
騎四千人渡津作塹柵未成賊梁興夜攻晃晃
擊走之操軍得渡遂破超等○漢王諒反據蒲
州燒斷河橋柵絕徑路屯據高壁楊素令諸將
以兵臨之自引奇兵潛入霍山綠崖谷而進直
指其營一戰破之○李愬伐蔡因大雪夜半至
懸瓠城坎墉先登殺門者散關留持柝傳夜自
如黎明吳元濟乃覺請降○後唐劉鄩遣細人

詐為鬻油者覘城內虛實及出入所視羅城下
一水竇可以引衆而入遂以步兵五百夜自水
竇衝枚而入一夕而定兗州據之○宋王全斌
命史延德分兵趨來藕挾徑而平蜀

林下筆記卷之六

月城李裕元景春輯

掛鈞餘話

下編

孫子曰過則從

班超為竇固假司馬使鄯善鄯善王廣禮意甚
備後忽更疎解超曰此必有北虜使來乃會其
吏士三十六人因激怒之曰如今鄯善收吾屬
送臣奴骸骨將為豺狼食矣皆曰今在危亡之
地死生從司馬因夜往焚虜使營

孫子曰火人

班超夜奔虜營會天火風超令十人持鼓藏虜舍後約曰見火然皆當鳴鼓大呼餘人悉持兵弩夾門而伏超乃順風縱火前後鼓噪虜衆驚亂悉燒死

孫子曰強弱形也

後漢虞詡為武都太守羌率衆數千遮詡於陳倉嶠谷詡宣言上書請兵須到當發羌聞之乃分鈔傍縣詡因其兵散日夜進道令吏士各作兩竈日增倍之羌不敢逼○宋檀道濟伐魏軍

至歷城資運竭時人降魏者具說糧食已罄於是士卒憂懼道濟夜唱籌量沙以所餘少米散其上及旦魏軍以降者妄斬以徇不復追

孫子曰形人而我無形

虞詡到武都郡兵不滿三千而羌衆萬餘詡悉陳其兵衆令從東郭門出北郭門入改易衣服回轉數周羌不知其數更相恐動因掩擊大破之○魏主問伐吳之策司馬懿曰夏口東關賊之心喉若為陸軍以向皖城引孫權東下為水戰軍向夏口乘其虛而擊之破之必矣

孫子曰良將驚之

後漢永和中西羌大寇三輔征西將軍馬賢將諸郡兵擊之不能克皇甫規雖在布衣見賢不恤軍事審其必敗乃上書言狀

孫子曰廉潔不可辱

先零遺金鏐八枚張奐却之羌性貪而貴吏清前有八郡尉率好財貨為所患苦及奐正身潔已感化盛行

孫子曰軍擾者將不重也

烏桓燒度遼將軍門引屯赤阪煙火相望衆欲

亡去張臭坐帷中與弟子講誦自若軍士稍安
○王僧辨討侯景也賊徒吳歲李賢明等見僧
辨出臨視敵知不設備蒙楯直進僧辨尚據胡
床不為之動指麾勇敢斬賢明賊乃退○後周
劉詞討李守貞也守貞敢死之士數千夜入其
營將士怖懼不知所為詞神氣自若令於軍中
曰此小盜耳不足驚也遂免宵橫戈叱短兵以
擊之賊衆大敗而退自是守貞喪膽不復有奔
突之意○劉子羽守仙人關等壁壘于潭毒山
十六日成金人已至距營十數里子羽據胡床

坐于壘門而賊引去

孫子曰用而示之不用

後漢段紀明為遼東屬國都尉時鮮卑犯塞紀明即率所領馳赴之既而恐賊驚去乃使驛騎詐賫重書台紀明紀明於道偽退潛於還路設伏虜以為信然乃入追紀明因縱兵斬獲之○隋賀若弼為吳州總管緣江防人每交代之際必集歷陽大列旗幟營幕被野陳人以為大軍至悉散國中士馬既知防人交代其衆復散後以為常不復設備弼乃以大軍濟江陳人不之

覺也襲南徐州破之○李勣推誠待士故能張
其卑弱而用之蔡人以勣名非風所畏者易之
不為備於是繕鎧厲兵攻馬鞍山下之拔道口
柵○晉取鄆州梁王彥章為招討使兩日馳至
滑州陰遣人具舟於楊村命甲士六百人皆持
巨斧載治者具韞炭乘流而下彥章會飲酒半
佯起更衣引精兵數千沿河以趨德勝舟兵舉
鎗燒斷之因以巨斧斬浮橋而破之

孫子曰料敵制勝上將之道

先零等數擾三輔段紀明奏曰狼子野心難以

恩紂勢窮雖服兵去復動如擁疽伏疾留滯脇
下今若以騎五千步萬人車三千兩三冬二夏
足以破定帝許之

孫子曰死地吾將示之以不活

段紀明與先零戰於達義山虜兵盛乃令軍中
列輕騎為左右翼激怒兵將曰今去家數千里
進則事成走必盡死衆皆騰赴○王鎮惡北伐
長安率水軍自河入渭行舟者悉在艦內泝渭
而進既至食將士畢便棄艚登岸渭水流急諸
艦悉逐流去鎮惡撫士卒曰此是長安城去家

萬里而舫乘衣糧并已逐流惟此死戰可立大功乃身先士卒即陷長安○宋神宗時羌兵保險諸將謀置陣平地王韶曰賊不捨險來鬪則我師必徒歸今已入險地當使險為吾有乃徑趨抹邦山壓敵軍而陣令曰敵言退者斬韶躬擐甲胄麾帳下兵逆擊之羌大潰○金人入寇宗澤進至衛南渡將孤兵寡轉戰而東敵益生兵前後皆敵壘澤下令曰今日進退皆死不可不從死中求生士卒知必死無不一當百金人退却數十里

孫子曰凡火攻必因火變而應之

皇甫嵩討潁川黃巾也賊波才圍城軍中皆恐
嵩曰兵有奇變不在衆寡今賊以草結營可因
夜縱火乃令銳士間出圍外縱燒城上舉燎應
之嵩因鼓而奔其陣賊驚散

孫子曰避其銳氣擊其惰歸

梁州賊王國圍陳倉皇甫嵩與董卓各率二萬
人拒之卓欲速進赴陳倉嵩不聽後賊衆疲弊
果自解去嵩進兵擊之卓曰窮寇勿迫嵩曰前
吾不擊避其銳也今而擊之待其衰也賊衆且

走莫有鬪志以整擊亂非窮寇也遂連戰破之
○昭烈之攻吳也陸遜拒之諸將曰攻備當在
初今乃經七八月其諸要害皆以固守擊之必
無利矣遜曰備是猾虜其軍始集思慮精專未
可干也今任已久兵疲意沮掎角此寇正在今
日遂進攻破之○周德威拒王景仁也告莊宗
曰梁兵甚銳未可與爭乃退軍鄆邑遣騎挑戰
自以勁兵三千繼之景仁怒悉其軍以出轉鬪
數十里至於鄆南德威曰梁軍輕出而遠來必
不暇齎糧糗縱其能齎亦不暇食不及日午人

馬俱饑因其將退而擊之可勝果大敗梁軍○
王韶擊瞎征於河州韶曰賊新勝氣銳未可與
爭當出其不意以致其所恃此所謂批亢擣虛
形格勢禁則自為解者也乃直扣定羌城破結
河族斷夏國通路瞎征拔寨去

孫子曰擊其情歸

金人圍京城宋神師道請緩給金幣使彼情歸
扼而殲諸河○宋兵玠度金人困且走設伏於
神全以待賊至伏發衆大亂縱兵夜擊大敗之
○金兵圍棗陽八十餘日趙方知其氣已竭併

師合戰而金人大潰

孫子曰以靜待譁

張遼擒昌豨而還曹操以遼為盪寇將軍遣屯長社臨發軍中有謀反者夜驚亂起火一軍盡擾遼謂左右曰勿動是不一營盡反必有造變者乃令軍中其不反者安坐遼將親兵數十人中陣而立有頃定即得首謀者殺之

孫子曰戰道必勝主曰無戰必戰可也

黎陽之戰魏李典解運軍糧表尚使高蕃屯河上絕水道魏王操勅典若解不得過下從陸道

典曰蕃軍少甲而恃水有懈怠之心擊之必克
遂攻破之○太宗授陣圖於李繼隆及臨陣有
不便衆以上命不可違繼隆曰事有應變安可
預定設獲違詔之罪請獨當也遂出兵合戰而
敗契丹於徐河

孫子曰佯北勿追

劉備攻鄴李典與夏侯惇拒之備一旦燒屯去
惇追擊之典曰敵無故退疑必有伏南道窄狹
草木深密不可追也惇等果不利○齊神武逼
洛陽卽山之役大軍不利魏子謹率其麾下偽

降立路左神武乘勝逐北不以為虞追騎過盡
謹乃自後擊之齊軍亂以此大軍得全

孫子曰上下同欲者勝

李典與張遼屯合肥而孫權圍之遼欲奉教出
戰典遼素不睦遼恐其不從典慨然曰此國家
大事吾不可以私憾忘公義乃與遼率眾破權
○晉之伐吳也詔使王濬受杜預節度預至江
陵謂將帥曰濬得下建平則順流長驅威名已
著不宜令受制於我濬大悅○吐蕃入寇命薛
仁貴為邏娑道行軍大總管率將軍郭待封擊

之待封當為鄯城鎮守與仁貴等表乃正居其
下頻違鄯度仁貴命待封留守輜重於大非嶺
而乃廢至河口遇賊破之進至烏海城以待後
援待封初不從領輜重踵進吐蕃率衆二十萬
邊擊取之糧伏盡沒仁貴退軍大非川王師遂
大敗○唐王暉奏朔方兵力有餘願罷郭知運
熊當戍以此兩人不協暉所降附知運輒縱擊
賊意暉賣已乃復叛

孫子曰善守者敵不知其所攻

鄧艾與姜維相拒潛軍先據洮城而姜維不能

敗○楊肇攻西陵吳都督俞贊亡詣肇陸抗曰
贊軍中舊吏知吾虛實者吾當慮表兵素不簡
練若敵攻圍必先此處即夜易表兵皆以舊將
充之明日肇果攻故表兵處抗旋軍擊破之○
金人攻東陽宋孟宗政隨方拒守而金兵不能
克

孫子曰我專而敵分

并州右賢王劉豹并為一部鄧艾上言曰戎狄
獸心不可不深備也聞劉豹部有叛胡可因叛
割為二國以分其勢此御邊長計也○李勣之

討吳元濟也。或勸勲取吳房。勲曰：「吳房拔則賊力戰，不若留之以分其力。」○王彥章圍後唐郭崇韜於莊宗曰：「彥章圍我於此，其志在取鄆州也。」臣願得兵數千據河下流，等壘於必爭之地，以應鄆州。為名彥章必來爭，既分其兵，可以圖也。」○楊存中從張俊討李成，諸將議欲分道進，存中曰：「賊勢如此，兵分則力弱。又諸將位均，勢敵，非招討督之，必不相為用。」俊然之。

孫子曰：「毀人之國，非久。」

鄧艾兵不踰時，戰不終日，雲徹席卷，盪定巴蜀。

○王濬之伐吳也兵不血刃攻無堅城於是順
流鼓棹徑造三山而降孫皓

孫子曰其次伐交

關羽圍曹仁於樊司馬懿勸曹操喻孫權奪其
後權果遣呂蒙襲之

孫子曰兵之情主速

蜀降將孟達守新城偽詐反覆連吳固蜀潛圖
中國與諸葛亮書曰宛去洛八百里去吳一千
二百里聞吾舉事當表上天子比相反覆一月
間也則吾城已固諸軍足辦矣司馬懿乃潛軍

倍道兼行八日到其城下破其柵○魏攻北徐州梁武帝詔韋叡拒之賜以龍環御刀曰諸將有不用命者斬之叡自合肥飛檣以濟師旬日而至邵陽○齊遣大將皮景和救壽陽去壽春三十里頓軍不進吳明徹曰兵貴在速而彼結營不進自挫其鋒吾知其不敢戰明矣於是躬擐甲胄四面疾攻一鼓而擒王琳等○唐武德四年將討蕭銑大閱兵夔州時秋潦濤瀨漲惡銑以唐兵未能下不設備諸將亦請江平乃進李靖曰兵機以速為神今士始集銑不及知若

乘水傳壘是震霆不及塞身就能倉卒召兵無
以禦我此必擒也○王彥章之拒晉也末帝問
破敵之期彥章對曰三日左右皆微笑彥章受
命而出兩日至滑州急擊南城破之蓋三日矣
○种師道征臧底城期以旬日必克既薄城下
賊守備甚固官軍小怠列校有據胡床自休者
立斬之屍于軍門令曰今日城不下視此衆股
栗譟而登城城即潰時兵至終八日矣

孫子曰以分合為變

司馬懿拒諸葛亮於祁山也張郃勸懿分軍駐

雍郿為後鎮懿曰料前軍獨能當之將軍言是也若不能當而分為前後此楚之三軍所以為黔布擒也遂進軍

孫子曰百里而爭利者擒三軍

諸葛亮謂孫權曰曹操之衆遠來疲弊聞追豫州輕騎一日一夜行三百餘里此所謂強弩之末勢不能穿魯縞者也故兵法忌之曰必蹶上將軍

孫子曰勝敵而益強

諸葛亮破南夷孟獲即其渠帥而用之

孫子曰敵不得與我戰者乖其所之

諸葛亮開陣門却灑而魏師遁○陸遜攻襄陽遣韓扁齎表奉報為敵所得諸葛瑾甚懼書與遜云賊得韓扁具知吾閥狹宜當急去遜未荅方催人種葑豆與諸將奕棊射戲如常語瑾曰今便使退賊當謂吾怖仍未相慮必敗之勢也乃督艤佯向襄陽城敵遂還守其城遜等因得引艤整部而退去

孫子曰由不虞之道

曹操破張魯留張郃守漢川與張飛相拒五十

餘日兆率萬餘人從他道邀郃軍交戰山道窄
狹前後不得相救遂破郃

孫子曰天地孰得

曹操伐吳周瑜曰今盛寒馬無藁草曹公驅中
國士衆遠涉江湖之間不習水土必生疾病此
用兵之患也而操皆冒行之瑜請得精兵三萬
人保為將軍破之○王僧辨討侯景攻拔魯山
有大星如車輪墜賊營有龍自城出五色耀入
鸚鵡洲景歸建業賊帥宋子仙等困處永輅郢
城僧辨偽許之鼓譟奄至大破之○大非川之

役王師大敗薛仁貴與吐蕃約和而還歎曰今
歲在庚午星在降婁不應有事西方吾固知必
敗

孫子曰攻其無備

呂蒙詐稱病篤孫權召蒙還闕羽聞之撤兵赴
襄陽蒙畫伏精兵艤舳中使白衣搖櫓晝夜魚
行襲南郡○崔浩曰蠕蠕夏則放牧秋肥乃聚
背寒向溫南來寇抄今掩其不備可一舉而滅
○隋韓擒虎為廬州總管大舉伐陳擒虎率五
百人宵濟襲采石守者皆醉遂取之○史思明

解鞍休士是日饒陽賊五千至九門李光弼課
知之提輕兵歛旗鼓伺賊方飯襲殺之思明懼
引去○昭征度洮為羌援王韶戎別將由竹牛
嶺路張軍聲而潛師越武勝遇昭征首領昭藥
等戰破之

孫子曰其所居易者利也

昭烈之伐吳也使吳班立營於平地吳諸將皆
欲擊之陸遜曰此必有譖不聽

孫子曰愛民可煩

孫桓請救陸遜曰安東得士衆心無可憂不救

孫子曰因間者因其鄉人而用之

零陵太守郝普守城不降孫權召呂蒙使捨零陵急還蒙過南陽鄧元之元之者郝普之舊也欲令誘普謂元之曰郝子太聞世間有忠義事亦欲為之而不知時也元之見普具宣蒙意普懼而聽之○浪埋等詣种世衡請降世衡知其詐曰與其殺之不若因以為間留使監商稅孫子曰卑而驕之

陸遜與關羽書有諷下自托之意羽意大安無復所嫌○馬燧討田悅貽書示好悅以燧畏已

大喜

孫子曰全國為上

晉羊祜為荊州都督與吳人開布大信不為掩
襲之計將帥有欲進譎詐之策者輒飲以醇酒
使不得言增修德信而吳人歸附○李愬平蔡
而不戮一人○曹彬伐江南每緩師冀煜歸服
城垂克忽稱疾諸將皆來問彬曰余之疾非藥
石所能愈惟須諸公誠心自誓以克城之日不
妄殺一人則自愈矣

孫子曰進而不可禦者衝其虛

羊祜陳平吳之策曰今若引兵水陸俱下鼓旆以疑之多方以誤之以一隅之吳當天下之衆勢分形散所脩皆急巴漢奇兵出其空虛一處傾壞則上下震蕩

孫子曰自戰其地為散地

羊祜曰孫皓恣情與下多忌惟有水戰是其所便一入其境則長江非復所固還保城池則去長入短而官軍專進人有致節之志吳人戰於其內有憑城之心如此軍不踰時事可必矣

孫子曰敵人開闔必亟入之

晉杜預為荊州都督襲吳西陵督張政大破之
故吳之名將也必以無備取敗不以所喪之寶
告子孫皓預欲間吳邊將乃表還其所獲之衆
皓果召政遣武昌監劉憲代之故大軍臨至使
其將帥移易以成傾蕩之勢○李繼遷死其子
德明請命於宋曹瑋請討之帝欲以恩致德明
不報既而西延家俄熟魏數大族請拔帳自歸
瑋曰德明野心不意折其翮後必颺去即日將
其士薄天都山受降者內徙

孫子曰善戰者求之於勢

晉伐吳垂克或曰百年之寇未可盡剋宜俟來冬更為大舉杜預曰今兵威已振譬如破竹數節之後皆迎刃而解無復着手處也

孫子曰踐壘隨敵以決戰事

馬隆討羌渡溫水虜樹機能等或乘險以遏隆前或設伏以截隆後隆依八陣圖作偏箱車地廣則六角車營路狹則為木屋施於車上奇謀間發出敵不意或夾道累磁石賊負鐵鎧行不得前隆卒悉被犀甲無所留礙賊咸以為神

孫子曰餌兵勿食

杜弢遣杜弘保廬陵周訪延擊圍之弘大擲寶物於城外軍人競拾之弘因陣亂突圍而出○長孫晟討達頭取諸藥毒水上流達頭人馬飲之多死皆驚曰天雨惡水因夜遁

孫子曰善攻者動於九天之上

杜預陳兵於江陵遣朱育伍巢等率奇兵八百汎舟夜渡以襲樂鄉吳都督孫歆震恐曰此來諸軍乃飛渡江耶

孫子曰以逸待勞

賊帥杜曾威震江沔元帝命周訪擊之訪使李

常督左甄許朝督右甄訪自領中軍高張旗幟
曾果畏訪先攻左右甄訪令其衆曰一甄敗鳴
三鼓兩甄敗鳴六鼓自旦至申兩甄皆敗訪聞
鼓音乃進○吳璘有疊陣法每戰以長槍居前
次最強弓次強弩次神臂弓若賊至百步內則
神臂先發七十步強弓並發凡陣以拒馬為限
鐵鈎相連俟其傷則更代之遇更代則以鼓為
節此古來伍令也金帥習不祝及胡蓋來鏖戰
璘以疊陣法更休迭戰金人大敗

孫子曰善戰者其節短

周訪之攻杜曾也選精銳八百人自行酒飲之
勅不要動聞鼓音乃進賊未至三十步訪親鳴
鼓將士皆騰躍奔赴曾遂大潰○魏主討薛永
宗還至洛水崔浩曰吳營去此六十里賊魁所
在擊蛇之法當先破頭頭破則尾豈能動宜先
擊吳

孫子曰因利而制權

陶侃為武昌太守時天下饑荒山夷多斷江劫
掠侃令諸將詐作商船以誘之生獲數人是西
陽王莽之左右侃即遣兵逼莽莽縛送帳下二

十人自是水陸南清流亡者歸之○蕭嗣業饋
糧數為虜抄裴行儉為定襄道行軍大總管曰
以謀制敵可也因詐為糧車三百乘車伏壯士
五輩以羸兵挽進又伏精兵踵其後虜果掠車
羸兵走險賊驅就水草解鞍牧馬方取糧車中
而壯士突出伏兵至殺獲幾盡自是糧車無敢
近者

孫子曰地有所不爭

武昌北岸有郛城議者以為宜分兵鎮之陶侃
曰我所以設險而禦寇正以長江身郛城隔在

江北內無所倚外接羣夷夷中利深晉人貪利
夷不堪命必引寇虜乃致禍之由非禦寇也後
庾亮成之果大敗

孫子曰奪其所愛則聽

秦王堅攻晉也彭超置輜重於留城謝玄乃揚
聲遣何謙等向留城超聞之還保輜重謙馳進
解彭城之圍○皇祐中廣源州蠻儂智高叛陷
邕州蔣偕張忠皆敗死廣西鈐轄陳曙等亦潰
狄青曰令之不齊兵所以敗并斬之乃整軍騎
一晝夜絕崑崙關出歸仁鋪為陣賊既失險悉

出逆戰青麾騎兵大敗之○金人突至將奪柴
潭樓孟珙躍馬進逼柴潭立柵翼日金人爭樓
諸軍魚貫而上又歸美婦人以相盪麾下張禧
等殺之遂拔柴潭樓

孫子曰卒未親附而罰之則不服

慕容恪為將不尚威嚴專以恩信御物軍士有
犯法宐縱舍之捕斬賊首以令軍

孫子曰將軍可奪心

檀道濟西伐上問策於道濟對曰謝晦才畧明
練殆難與敵然未嘗孤軍決勝敗事恐非其長

臣悉晦智晦悉臣勇今奉王命外討必未陣而擒晦果不戰自潰○李晟每與賊戰必錦裘繡帽自表指顧陣前李懷光惡而戒之曰將務持重豈宜自表裸為賊餌哉晟曰昔在涇原士頗畏伏欲令見之奪其心爾

孫子曰不若則能避之

司州刺史馬仙理自北還軍為魏人所躡三關擾動詔韋叡督衆軍援焉叡至安陸增築城二丈餘更開大塹起高樓衆頗譏其示弱叡曰不然為將當有怯時

孫子曰知天知地

魏議伐赫連昌羣臣皆以為難崔浩曰往年以來
熒惑再守羽林越鈎陳其占秦亡又今年五星
并出東方利於西伐天應人和時會並集不可
不進遂討之

孫子曰禁祥去疑

魏師進次赫連昌城下會有風雨從東南來揚
沙昏暝趙倪進曰今風雨從賊後來我向彼背
天不助人崔浩叱之曰千里制勝一日之中豈
可變易宜分軍隱山掩擊不意風道在人豈有

常也○李孝恭壽陽之戰杯酒變為血在座皆失色孝恭曰此乃賊臣授首之祥

孫子曰亂軍引勝

宋師犯河北南鎮諸將自陳兵少求簡幽州以南戍兵佐守就漳水造艍嚴以為備議者僉然之崔浩曰今公卿欲以威力攘賊乃所以招令速至也夫張虛聲而召實害此之謂矣

孫子曰退而不可追

子謹追蠕蠕前後十七戰盡降其衆嘗為賊所圍謹所乘駿馬一紫一騊賊已先識乃使二人

各乘馬突陣而出賊以為謹也皆爭逐之謹乃得入寨

孫子曰策之而知得失之計

子謹之討蕭繹也長孫儉問曰為繹之計將如何謹曰耀兵漢沔南據丹陽是其上策退保子城以待援至是其中策難於移動據守羅郭是其下策儉曰揣繹定出何策謹曰蕭氏保據江南綿歷數紀且繹懦而無謀多疑少斷愚民難與慮始皆戀邑居既惡移動當保羅郭所以必用其下策也○宋杜杲上封事曰沿淮旱蝗不

任征役中原赤立無糧可因若虛內事外移南
實北腹心之地必有可慮

孫子曰天者陰陽寒暑時制也

斛律光將有表疏令人執筆口占之務從省實
每行兵用巫奴卜法吉凶無不中

孫子曰衆草多障者疑也

周主以宇文憲為前鋒伐齊憲密謂永昌公椿
曰兵者詭道汝今為營不須張幕可伐柏為菴
示有處所令兵去之後賊猶致疑會被勅追還
率兵夜反齊人果謂柏菴為帳幕不疑軍退翊

日始悟○劉鄩潛師出黃澤西趨太原慮為晉軍所追乃結芻為人縛旗於上以驢負之循堞而行數日晉人方覺

孫子曰守而必固

齊師攻玉壁韋孝寬禦之齋鑿地道孝寬掘長塹要其地道仍簡戰士屯塹城外每穿至塹戰士即擒殺之又於塹外積柴貯火敵人有在地道內者便下柴火以皮排吹之火氣一衝咸即灼爛城外又造攻車孝寬乃維布為幔隨其所向則張設之城外又縛松於竿灌油加火規以

燒布并欲焚樓孝寬復長作鐵鉤利其鋒刃火
竿亦來以鉤遙割之高歡不能拔○朱泚之亂
唐帝將奉天泚兵薄城渾瑊禦之泚造雲梁施
大輪濡氈及革冒之周布水囊為障運薪土其
下將塞隍城掘大隧積馬矢及薪燠之賊乘風
推梁以進及隧而陷風返悉焚賊皆死○杜果
知安豐元兵圍城以火砲焚樓櫓果隨陷隨補
後知廬州於濠外築土城六十里元等壩高於
城樓果以油灌草即壩下煉之皆為煨燼又於
串樓內立鴈翅七層極力守禦

孫子曰勝兵先勝而後戰

漢王諒反遣茹茹天保據蒲州燒斷河橋楊素
潛於渭口宵濟遲明擊之天保敗走初素將行
也計日破賊皆如所量○金人自合肥侵淮王
德謂張俊曰淮者江之蔽也棄淮不守是謂唇
亡齒寒也敵數千里遠來餉道決不繼及其未
濟急擊之可以奪氣若遲之使稍安則淮非吾
有矣遂即渡采石俊督軍繼之宿江中德曰明
早當會食歷陽已而夜拔和州

孫子曰拔人之城而非攻也

韓擒虎兵不血刃直取金陵降任蠻奴執陳叔
寶據其府庫頓其巢穴○保州卒叛田況遣郭
達招之達與亂者待其臻嘗同事范仲淹馳至
城下示以舊所佩紫囊臻識之即與其黨邀達
登城既見申諭禍福於是開城降

孫子曰將孰有能

隋煬帝在東宮嘗謂賀若弼曰楊素韓擒虎史
萬歲三人優劣何如弼曰楊素是猛將非謀將
韓擒虎是閫將非領將史萬歲是騎將非大將
太子曰然則大將誰也弼拜曰惟殿下所擇蓋

弼意自許為大將

孫子曰遠而挑人者欲人之進也

賈建德營板渚王命李勣等為伏令尉遲恭執
稍略其罌大呼致師建德兵出伏發大破之

孫子曰死間者為誑於外

顏利走保鐵山遣使者謝罪請舉國內附以李
靖為定襄道總管往迎之又遣鴻臚卿唐儉將
軍安修仁慰撫靖謂副將張公謹曰詔使到虜
必自安若萬騎齎二十日糧自白道襲之必得
所欲此韓信所以破齊也遂督兵疾進顏利震

潰亡去

孫子曰戰勝攻取不脩其功者凶

李勣用兵多籌策料敵應變皆契事機聞人善
抵掌嗟嘆及戰勝必推功於下得金帛盡散之
士卒無私貯

孫子曰連乘人之不及

蘓定方從葱嶺道大總管程知節征賀魯至鷹
娑川賀魯率二萬騎來拒鼠尼施等復引二萬
騎為援定方始休士見塵起率精騎五百踰嶺
馳擣賊營賊衆大潰

孫子曰將者國之輔

唐師東征安市城高麗遣高延壽等率兵二十萬拒之薛仁貴恃驍悍欲立奇功乃着白衣自標顯持戟腰鞬呼而馳所向披靡太宗望見遣使馳問先鋒白衣者誰曰薛仁貴帝召見曰朕舊將皆老欲擢驍勇付聞外事莫如卿者朕不喜得遼東喜得虜將遷右領軍中郎將

孫子曰犯之以事勿告以言

裴行儉討突厥溫傳蕃已立營塹壕已周行儉更命徙營高崗吏白士安堵不可擾不聽從徙

之比夜風雨暴至前立營所水深丈餘衆問何以知之行儉曰自今第如我節制毋問我所以知也

孫子曰事莫密於間

阿史那伏念偽稱可汗復與溫傳合裴行儉縱反間說伏念令與溫傳相貳伏念懼密送款且請縛溫傳自効行儉秘不布密以聞後數日烟塵漲天而南斥候惶駭行儉曰此伏念執溫傳來降非他也果然

孫子曰能使敵人不得至者害之也

默啜悉兵西擊張仁愿請乘虛取漠南地於河
北等三受降城絕虜南寇路○突厥吐蕃聯兵
寇涼州武后拜郭元振為涼州都督即遣之初
州境輪廣總四百里虜來必薄城下元振始於
南硤口置和戎城北磧置白亭軍制東要路遂
拓境千五百里自是州無虜憂○吐蕃入寇渾
瑊乃馳朝郡與鹽州刺史李國臣趨秦原吐蕃
引去瑊邀擊破之回紇侵太原破鮑防軍瑊自
石嶺關而南督諸軍犄角虜引去○金人大入
攻仙人關吳玠以和尚原去蜀遠棄之即於殺

金平朔等一星移原兵守之防金人之深入而當其衝金屢攻不能克○金帥完顏寨不擁步騎圍城孟宗政與扈再興合兵角歷三月大小七十餘戰身先士卒金人戰輒敗忽甚周城開壕四面控兵列壕外飛鋒鎬以絢鈴自警宗政乘間突擊金人奔潰乃於壕外渚水為濠以限騎金人呼為孟爺爺

孫子曰賞罰孰明

張仁愿為將號令嚴將吏信伏按邊撫帥賞罰必直功罪後人思之為立祠受降城出師輒享

孫子曰動如雷震

王暎為安北大都護吐蕃以精甲十萬寇臨洮次大來谷其酋金達延以兵踵而前暎率所部二千與臨洮軍合料奇兵七百易胡服夜襲去賊五里令曰前遇寇士大呼鼓角應之賊驚疑伏在傍自相鬪死者萬計

孫子曰卒善而養之

李廣嘗與望氣王翔燕語曰諸部校尉才能不及中人然以擊胡軍功取侯者數十人而廣不為後人然無尺寸之功以得封邑者何也豈吾

相不當侯郎且固命也。翔曰：將軍自念豈嘗有
所恨乎？廣曰：吾嘗為隴西守，誘降羌八百餘人，
同日殺之。至今大恨獨此耳。翔曰：禍莫大於殺
已降。此乃將軍所以不得侯也。○王暕言：突厥
默啜之部落來降者，不當置之河曲，以滋禍萌。
當遷置於淮右。河南不二十年，漸服諸華。料以
元兵則皆勁卒。○李愬伐蔡，擒悍將丁士良，異
其才不殺而後得其用。

孫子曰：死焉不得。

廣平王叔長安賊酋李歸仁大出掩追騎還蹂

王師於是亂不能陣李嗣業曰今日不蹈萬死
軍無類矣即袒持長刀大呼出陣前殺數十人
陣復整步卒以陌刀長柯斧堵進歸仁東走
孫子曰辭卑而益備者進也

李光弼攻史思明也潛溝營地將沉其軍乃陽
約降至期以甲士守裨遣裨校出若送款者思
明大悅俄而賊數千沒于塹城上鼓噪突騎出
乘之俘斬萬計

孫子曰因形而措勝於衆衆不能知

史思明屯兵河清李光弼壁野水渡曰思明耳

敗恨不得野戰聞我野次彼固易之命將來襲
因設伏以待擒賊將高暉李日越

孫子曰逸而勞之

郭子儀守恒陽安祿山益出精兵佐史思明子
儀曰彼恃加兵必易我易我心不固戰則克矣
與戰未決戮一部將以徇士皆殊死於是晝揚
兵夜擣畧賊不得息氣益衰遂大破之○魏勝
拒金人修營畧絕河道謀為固守勝俟其不備
掩擊或獨出擾之使不得休息又間夜發兵劫
其營或焚其攻具

孫子曰敵雖衆可使無闘

田紇三十萬衆復入奉天郭子儀曰今力不敵
吾將示以至誠乃以數十騎出免胄而見賊皆
捨兵下馬拜

孫子曰士卒孰練

李抱真為懷澤潞觀察留後以賦重人困軍伍
彫剝乃籍戶三十擇一蠲其徭租給弓矢習射
歲終大校比三年皆為精兵天下稱招義步兵
為諸軍冠

孫子曰先為不可勝

馬燧之在太原也承鮑防之敗兵力衰單燧募
所役得數千人悉補騎士教之戰數月成精卒
造鎧必短長三制補士所衣以便進趨為戰車
冒以狻猊象列戟於後行以戟兵止則為陣遇
險則制衝冒器用完銳威震北方

孫子曰守則不足

吐蕃入塞渾瑊次黃菩原引衆據險設槍堊自
營過賊奔突是因不足而守之也

孫子曰無所不用間

劉鄩與將士同甘苦分衣食以抗外軍後葛從

周攻圍既久鄆無外援一日副使王彥溫踰城而奔守陴者從之鄆禁之不可鄆即遣人從容告彥溫曰請少將人出非素遣者勿帶行又揚言於衆曰素遣從副使行者即勿禁其擅去者族之守民聞之奔逸者乃止外軍果疑彥溫卽戮於城下

孫子曰惟民是保而利及於主國之寶也

劉詞為襄陽團練使在郡歲餘必被甲枕戈而卧人或問之詞曰我以勇敢而登貴仕不可一日而忘本也若信其溫飽則筋力有怠將來何

以報國也

孫子曰形而誘之

周德威小字陽五勇聞天下梁軍圍晉太原令
軍中曰能生得周陽五者為刺史有騎將陳章
者常乘白馬被朱甲以自異出入陣中北周陽
五必欲生致之德威弒其部兵曰見白馬朱甲
者當佯走以避之章果奮稍急追之德威伺章
已過揮鐵鎚擊之中章墮馬遂生擒之

孫子曰因糧於敵故軍食可足也

乾德二年王全斌伐蜀敗之獲軍糧四十餘萬

斛史延德又獲糧三十餘萬斛孟昶降

孫子曰發火有時起火有日

開寶三年潘美伐劉鋹鋹遣其弟保興率衆拒戰美率厲士卒倍道趨柵頭距廣州百二十里與諸將計曰彼編竹為柵若攻之以火彼必潰亂遂分遣勇夫數千人持二炬間道造其柵及夜萬炬俱發會天大風火勢甚熾鋹衆驚擾長驅至廣州遂擒鋹送京師

孫子曰不知山林險阻沮澤之形者不能行軍

曹瑋上注原環慶西道圖帝以示左右曰華夷

山川城郭險固出入戰守之要舉在是矣因教
別繪二圖一留樞密院一付本道俾諸將得按
圖計事

孫子曰善出奇者無窮如天地

曹瑋平居甚閒暇及師出多奇計出入神速不
可測一日張樂飲失瑋所在明日徐出視事而
賊首已擲庭下矣渭州成卒有叛入夏國者瑋
方對客奕棋遽曰吾使之行也夏人聞之即斬
叛者天雄卒有犯盜者衆謂獄具必殺之瑋乃
處以常法人或以為疑瑋笑曰臨邊對敵斬不

用命者所以令衆吾非好殺治內郡安事此乎
孫子曰生間可使如期

西羌將舉事必先定約束號為立文法咄廝羅
使其舅當棣丹與廝敦立文法曹瑋陰結廝敦
解寶帶予之廝敦感激求自效瑋曰汝能為我
取賞棣丹首乎後果斷其首來

孫子曰趙其所不意

端拱中威虜軍糧餽不繼上遣李繼隆發兵護
送輜重契丹將于越率精銳將邀於路尹繼倫
秣馬侵夜人持短兵潛躡其後至唐州天未明

于越去大軍四五里會食訖將戰繼隆方陣於
前以待繼倫從後急擊殺其將皮室衆遂驚潰
于越中創遁去○神師道知渭州督諸道兵城
席韋敵堅壁葫蘆河師道陣于河澌若將決戰
者陰遣裨將曲元徑出橫嶺揚言援兵至敵方
駭顧楊可世潛軍衝其後姚平仲以精甲襲之
敵大潰其酋僅以身免卒城而還○孟珙與金
人相拒料其將武仙上岵山絕頂窺伺令樊文
彬詰旦奪岵山駐軍其下尚當設伏俟還歸路
已而武衆果登山及半文彬麾旗伏兵四起仙

衆失措枕藉崖谷山為之顛

孫子曰易其居迂其途使人不得慮

宗澤破金後計敵衆十倍於我今一戰而却勢
必復來乃暮徙其軍金人夜至得空營大驚自
是憚澤不敢出

孫子曰善戰者能為不可勝不能使敵之必可勝

吳玠保散關東和尚原積粟繕兵列柵為死守
計或謂玠宜退屯漢中扼蜀口以安人心玠曰
我保此敵決不敢越我而進是所以保蜀也

孫子曰善用兵者能使敵人前後不相及

金將沒立與別將烏魯折合約日會和尚原折
合陣北山索戰吳玠命諸將更戰迷休會風雨
雹賊遂遁去沒立方攻箭箬關玠復遣將擊退
之兩軍終不得合

孫子曰凡戰者以正合以奇勝

筠州之役楊存中以步兵居前後夜銜枚渡河
出西山馳下擊賊張俊以步兵夾攻俘八千人
○金將蒙恬鎮國抵海州北二十里新橋魏勝
帥兵出迎之設伏于隘陣以待衆殊死戰伏發
賊大敗殺鎮國

孫子曰死之則戰

金人圍海州旌麾數十里李寶麾兵登岸以鈎
畫地令曰此非復吾境力戰與否在汝等因握
槊前行遇敵奮擊將士賁勇無不一當十敵出
不意亟引去遂解海州之圍

孫子曰其疾如風

金兵圍東陽急孟宗政午散襄陽峴首遲明抵
東陽馳突如神金人大駭遂遁

